

春
在
堂
詩
編

癸卯編

春在堂詩編第二十一

德清俞樾

癸卯元旦試筆

臘鼓聲中已是春

立春在初八日

喜聽檐鵲噪清晨八旬耄壽

零三歲四海詞林第二人

翰林前輩尚有四川伍舉齡

也敢向虞庠充庶老且歌周雅作嘉賓

今年亦癸卯同年赴鹿鳴筵宴

吾孫能否重持節再趁輶車一省親

又成一律命孫曾輩和

春在堂前笑語同衣冠濟楚到兒童迎祥先掃去年雪
送喜還占元旦風十八歲貓依案下

家畜一貓十八年矣

五千里

鳥畜籠中

籠中二鳥陸雲從西蜀攜回

紅箋大吉新開筆

余每年以紅紙寫元

旦開筆百事大吉八字

隨意塗詩不必工

糊塗圓

煮豆極爛搗之成泥和之以糖揉粉作團如龍眼大合而淪之名糊塗圓先大夫嗜之故春盤必以薦糊塗宜小事借作粉養名遂使浮圓子翻成骨董羹粘而風味在忽突語音更羊棗昌蒲歌年年歲歲情

正月初三夜寢不成寐意甚苦之寅卯之際始矐矐欲睡若有十許人裸脊而來疊呼曰與汝餠喫果有物如餠者送至余口余驚而覺則夢也旦而

語人曰此殆吾之病魔乎二兒婦曰不然餅者高也來報喜耳戲賦一詩

豈借題餽賦早春莫知俶擾究何因膏癰不助方生氣
阜某難招欲去身楚楚羔裘雖適體皤皤鼗鼓太煩神
翻勞兒婦來相賀鼎足高升戲老人

正月初五夜小兒女迎紫姑神戲作

街鼓皤皤欲二更閨中游戲趁新正雖然未值蘇夫子
東坡集有仙姑問荅載仙姑謝臘茶詩云如今也許相
復有蘇夫子分我花盈美味嘗仙姑卽紫姑也
迎何麗卿如意佳名應領取宜男吉兆最分明
書也 只愁難副乘輶望放字連書總不成
問陸雲能放差
否連書三方字

夜夢讀昌黎祭田橫墓文於雖顛沛其何傷句下
爲增四句曰彼漢家之陵寢亦衰草與斜陽感千
秋之俱盡夫何憾乎興亡覺而異之以詩紀之

篇刪其章章刪句孔子讀詩有此例若不議刪而議增
玉石襍糅吁可異昌黎文起八代衰備替陋儒焉敢議
乃以讜語羸其間四句六言字廿四楚存凡亡付達觀
項蹶劉興直間事可使榻橫五百人千載九泉一破涕
韓公讀此亦欣然文章有神來把臂授我胸中丹篆文
長我精神益我智大雅褊迫無委蛇使我拮據補其義
塗改清廟生民詩點竄堯典舜典字

光緒二十九年正月八日立春是日甲子於五行屬金於二十八宿遇奎是謂甲子金奎文明之兆也。曾孫僧寶生甫三十七月然已五歲矣幸遇良辰遂命開卷讀書以詩紀事。

喜逢日吉又辰良笑挈曾孫上學堂一歲春朝新甲子九天奎宿大文章更兼金水相生妙僧寶於亥年生能否聰明比父強記有而翁前事在陸雲於同治十二年二月十五日上學亦金奎甲子也。尙期無負舊書香。

余八十歲時曾戲作老而不死文一篇多至二十八股長至一千四百餘字頗傳誦於時未幾而

功令廢時文余亦不復有作矣印本猶在慨然書
後

八十衰翁思湧泉興酣落筆走雲烟大違功令一千字
雄殿時文五百年此調竟成廣陵散從今永絕伯牙弦
王楊盧駱當時體能否江河萬古傳

女壻許子原自松郡來賦贈

一水吳淞易往回卽今相聚又蘇臺莫將舊事廿年問
且喜新正十馬來邵武府彭佩芝陸雲妻弟也擬元
宵前後來蘇兩太守故戲云十馬寂
寂曾無鐙可試恩恩又報卽將開時已迫開卽之期
故卽擬回松江元
宵春在堂前酒悵我衰慵未及陪元宵春在堂小飲
止命陸雲侍坐

子原有和詩疊前韻酬之

五馬行春第一回

君去秋到任

黃堂清望本烏臺

君由御史出守鄉

園且喜浙西近宦轍還期吳下來

頗望君調守首郡

西崦頽陽

憐我晚東軒舊館爲君開

館之於東軒君舊所館也

外孫出拜猶嬌

小風草詼諧未許陪

能亭侍郎用胡笑山觀察韻與月汀將軍藝棠中

丞往復唱酬辱以見示因四疊其韻報能亭兼質

諸公

騷雅前盟孰與尋欣聞笙磬奏同音韓蘇才調當今少

孔李交情累世深

余與諸君子皆有年世

酒社招邀慵不赴

余不赴人

招飲二十五年矣詩城突兀怯難侵惟應夙負推敲興且借吟

箋寫寸心

試將舊事一追尋譜入巴人下里音簪笏光陰拋去久
湖山緣分結來深曾無花向豪端吐早有霜從鬢畔侵
回憶兒時鐙火好年逾八十有童心

而今不計尺和尋領取泠泠弦外音未擬南樓陪庾亮
豈煩東觀召樊深已驚世局垂垂變一任年華冉冉侵
慙媿 聖明猶鑒及半生著述在殫心

去年奉有殫心著述 恩諭

胥母門邊樹百尋飛來威鳳吐祥音西陲秋色廉車遠

謂笑山

南國春風幕府深

謂月汀藝棠兩君

燈下試拈佳句讀

簾前未覺峭寒侵一箋寫付能亭叟敢與良工鬪匠心
前詩甫寄賸之以詩五疊前韻

眼前詩境不須尋豈學黃鸝巧弄音好在性情都坦率
無煩辭句太艱深夏正將過十三月

春秋元命苞夏人以十三月爲正卽

謂建寅唐韻同拈廿一侵泉下莫教亡婦曉暮年詞賦

劇勞心

事見春在堂詩編卷四能亭前日曾言及之

能亭於尋字韻已十三疊矣因再作四首合前成
九疊鼓衰力竭不成詩矣姑博羣公一笑

八十三翁懶檢尋候蟲時鳥自成音若遵 功令詩當

廢無奈吟情老更深迭奏宮商方是樂大鳴鐘鼓不爲

侵諸君麗藻先春發抵得梅花數點心

底須覓覓又尋尋天籟由來本有音氣盛不知雲夢大

思幽未覺武夷深孟郊自笑吟偏苦王粲須防貌易侵

酉陽雜俎云今人謂醜爲貌寢誤矣魏志劉表以王粲爲貌侵而體弱

幾句吟成髭幾斷

難言詩筆襍仙心

度來斗室不盈尋自吐蒼蠅蚋竅音舞恃袖長難見善
汲忘縷短苦求深興高儼報師三捷腹儉如逢歲大侵
好在不論工與拙本來王績號無心

仰望詞壇十二尋自然正始有遺音何期星宿千源富

亦取蹄涔一寸深疊韻須知廣卽續

說文以廣爲古續字失眠豈

誤寢爲侵

寢侵古通易謙卦王用侵伐王虞本
侵作寢鮑亭因作詩失眠故戲及之

率叨詩

國附庸列願比春秋蕭大心

天氣驟暖有一蟲飛至案頭隨手斃之旣而悔焉

懺之以詩

蟬動蛸飛得氣先居然栩栩到人前生機容易雖堪喜
世路艱難劇可憐微物何嘗非佛子多情方許作神仙
從今舉手須留意養取胸中浩蕩天

王餘魚

王餘魚與鱠殘魚異鱠殘者博物志云吳王江行食
鱠有餘棄於江中流化而爲魚長四寸大者如箸猶

作鱠形余謂此魚卽銀魚之大者故亦有銀魚之名
今吳中銀魚極多此吳王之說所自來也王餘則比
目之別種吳都賦云雙則比目片則王餘注云王餘
魚其身半也俗云越王鱠魚未盡因以殘半棄水中
爲魚遂無其一面故曰王餘也今此魚在蘇罕見而
杭州則多有之蓋出錢唐江此越王之說所自來也
臨海異物志云比目魚亦稱箬葉魚而杭人呼王餘
亦曰箬魚則其爲同類明矣今年春偶於吳下得食
之爲賦此詩

雙爲比目片王餘古語流傳信有諸化作半人應姓習

妝非全面竟成徐若呼箬葉形還肖儻喚銀刀譽轉虛
兩事相同吳越異登盤莫誤鱸殘魚

書王古草先生七十壽詩冊

先生名本字慕陟山陰人

蠶書爨字滿人閒正始餘音不可攀誰料風簷開巨冊
尙留古道照塵寰古草先生越中秀遭逢景運眞稀邁
乾隆三年戊午春正值先生六十壽是年三月 詔臨
雍闕下千官濟濟從躬預園橋觀聽列蒼顏皓首一章
縫詰朝 駕御 太和殿亦復隨班來覲見紅雲深處
御香濃草野小臣同舞并從茲聲望滿金臺荏苒年華
七十來輦下諸公齊介壽花牋五色一時裁至今留得

詩牋九磊落大名皆不朽

莊有恭張延玉劉綸齊召南周長發沈德潛陳德華梁詩

正秦

大士狀元宰相各成雙

張梁兩相國莊秦兩狀元

又有詞科人某某

劉濟周博學鴻詞

古香古色好收藏嘉道咸同歲月長三度回

環花甲子百年變幻小滄桑記得

文宗初御宇臨雍

鉅典臣親覩忝列詞曹侍從班大昕同聽堂前鼓

事在咸豐

年五十年來事變多江湖一老獨悲歌舊游空憶長安

道後事真成無定河此冊無端入我手儼如揖讓羣公

後前輩風流尙可追升平景象焉能又古有名臣獻壽

篇曾邀著錄在文淵後人讀此休輕覩想見 熙朝全

盛年

蒙古喀喇沁王名貢桑諾爾佈號樂亭從京師託

六橋都尉寄紙來索余書夔龔二大字

喀喇名王雅意多時時毳帳問東坡一牋寄自燕臺客

兩字傳之鴟諾河

見元史

境內已聞興教育

王於境內廣設學堂尊

前更復喜詩歌

王能爲詩

惜無千里明駝足去看夔龔景象若

何

送孫兒陞雪還 朝覆 命

簷牙霽色曉來佳又向春風動別懷歸里已逾三月假

趨 朝待覆四川差憐余白髮衰彌甚盼爾青雲事更

諧

此一聯承用辛丑年送別詩意

幾度

保和金殿試老夫望眼幾回

指此入都散館考差應
經濟特科凡三預試

詠自行梭人

搏土爲人剪梭爲足翦紙爲衣置之盤中擊其盤則
自能行走各執器械如戰鬥狀花農於京師琉璃廠
買得十六枚寄贈

剪梭爲足紙爲衣蹠躩而行不用機巧似棚中牽鮑老
輕於盤內舞楊妃鴛鴦對對皆成耦螻蟻團團大合圍
每二枚爲一耦然并置盤中亦頗可觀博得兒曹都聚看終朝鑿鑿鬧房
幃謂盤聲也

戲以茶花數枝插瓶爲玩

四野黃雲萬頃寬
阿誰曾作折枝看
筠籃買到錢無幾
盜斗裁來花一般
大可風流成韻事
豈惟粗糲佐儒餐
魚鹽版築多奇士
老死何人薦芷蘭

次韻陳小石漕帥清宴園三異

並蒂蓮

來自瑤臺第二成
憐憐兩字稱嬌名
狂雕却配娉婷質
鱗戲應聽唼喋聲
喜見紅衣新合舞
可知白水舊同盟
自聞文晁聯嘉耦
對此盈盈倍有情
唐大厯中有女子
晁采以蓮子贈鄰
生文茂墜一於水
花開並蒂其母卽以采歸茂事見全唐詩

並蒂蘭

詩二十

九

澧沅幽伴遠來尋空谷雙傳金玉音燕姑春宵宜共夢
茂陵秋客不孤吟倘隨桂棹鷗成隊若入瑤琴鶴和陰
難得同心同臭味何辭千里訂朋簪

並蒂菊

一從陶翟東籬隱又閱秋風幾歲華處處耦耕開老圃
人人同壽祝名花孤芳難釀重陽酒雙萼偏開五柳家
莫被荆公笑零落兼金鑄就此黃芽

德清諸同鄉以余重宴鹿鳴爲 本朝二百數十

年所未有宜懸匾明倫堂寄紙乞書因爲書重宴
鹿鳴四字每字方二尺書成賦此

昔歲親書鼎甲三

戊戌年余孫陸雲得探花吾邑鼎甲全矣鄉人屬余書狀元榜眼探花三

額懸明

已將嘉話播鄉談承恩再赴賓興宴題榜重

倫堂

煩老學庵未必講堂增焜耀自憐病筆欠狂慙諸君相

看休相笑更有誰人此事堪

今歲重宴鹿鳴者不下七八人然親書此榜者余之

外恐未必再有人也

贈日本兩九十翁各次原韻

蕭然心跡兩無塵留得清閑百歲身往日雪泥休更問

再看明治十年春

待其國明治四十六年則君百歲矣

右贈雪爪先生

姓鴻氏雪爪其名

如此遐齡卽是仙至今詩酒尙陶然記曾齒豕留佳詠

我與湖山舊有緣

右贈湖山小隱 名長愿湖山其氏

寄題日本金洞仙史三嶽莊用原韻 仙史姓金井名之恭

占盡名山秀煙雲處處通新居三嶽下 謂富士筑波日光三山也 舊

夢卅年中 日本明治初曾倡義勤王 留得豪情在還將勝事窮穹碑

高百尺焜耀海天東 聞其工書爲其國大久保公書神道碑每字盈尺尤爲偉觀

贈日本蓄堂生結城琢卽次其元旦詩韻

料峭春寒不出庭一牋飛到子雲亭祖孫同拜瓊瑤賜

封面並署余祖孫名字 篇牘能傳月露形何幸書來天外雁儼如

風聚水中萍誦君元日諸佳什詩格知非宋四靈

揚古醞大令妻張淑人六十壽

自從詩廢蓼莪篇不復生辰啟壽筵

大令自丁酉歿七十生日卽不受賀

卻爲閨中揚淑德故從海內索吟牋
先生年已七旬後淑人花甲初稱壽
略遲爛漫十年春剛在清明三月候
昔年絳帳聚菁英收到蛾眉女學生
誰料金釵當日贅便聯玉鏡異時盟
從此同心又同德豈僅蘋蘩供婦職
須知花縣撫循功半出蘭闈匡助力
烽煙擾擾逼龍游依舊焚香對茗甌
仗此安閒兩鶴鱗掃開蠶動萬虬蟬
宣平小縣魚軒葢一琴一鶴隨夫婿
夜寢親將藥椀調

大令時卒宣平臥病數月

晨窻還共官書議卽今六十未華顛
蘭玉

成行滿膝前武達文通森在側鸞章鳳誥降從天

長次郎君

皆文官三郎以都閫候選故淑人得請三品誥封

不才愧乏安期棗惟祝劉樊

同不老霍國夫人歌一篇移頌君家翁與媪

余近有霍國夫人歌

題蘭陵江女史西樓遺稿

女史名熹字湘芬江霄緯庶常之女年二十二未嫁而卒有詩一卷算草一卷合題曰西樓遺稿

數理精微 聖代開闔中亦復擅奇才疇人傳補葛王

沈謂江甯葛宜常熟沈綺江甯王貞儀也意本文史詩再補文通愛女來

聰明本是世閒無不厭詳求到六觚嘲橘也存圍徑數

有嘲橘詩云圍祇三寸弱徑止一寸強

切瓜便是割圓圖

有句云切瓜便作割圓看

趨庭更復學爲詩不是尋常聲說詞說免論貓都有意

待從集外更搜遺

有蓄兔說貓捕鼠論未刻

才命相兼自古難此才留與後人看千秋兩卷西園集
壓到前朝葉小鸞

靜山制府

德壽

自粵中來書乞書名刺兩字卽書

付之勝之以詩

昔年投刺到行窩曾爲寒家却病魔

己亥秋二兒婦大病醫者進方躊躇

未敢用公適至兒婦見名刺喜曰吾病瘳矣竟服是方果愈

今日大名鎮蠻越行看

萬里靖干戈愧無銀管一枝在柰此金甌兩字何請作

柳家盈丈押長留奇蹟映巖阿

宋時柳應辰自作名押長丈餘刻巖石間

向子振太守贈二白兔賦謝

籛篋載到卽時開博得衰翁一笑哈却好卯年逢卯月
先生爲聘卯君來

竟日商量位置難樊籠太窄枳籬寬何當帝釋親分付
好向冰輪借廣寒

西域記云帝釋化一老夫向狐猿兔乞食狐猿皆有所獻兔獨無有投身

火中自獻帝釋憫之寄之月宮月中之兔由斯而有

詠日本櫻花

日本村山節南所贈

曾爲櫻花一賦詩

在乙酉年卽今又此對瓊枝楊家如子笑

容面姑射仙人冰雪肌且喜繁英仍爛漫自憐老眼轉
迷離舊時持贈人何在獨坐春風有所思

從前寄贈櫻花者井上陳

政子德也其人
死庚子之變

題宋養初侍御絕筆後

侍御名承庠華亭人光緒二十七年七月二十一日
洋兵入京城侍御於是夜三更仰藥死臨死有遺筆
一紙與其同寓章雷二友其孤樹基乞題爲賦此詩
自熄康梁燄羣情望中興升平空想像變故又頻仍總
被浮言煽誰能外侮膺 帝城雙鳳闕烽火照觚稜

先生中夜起涕淚滿衣裳慘淡漏三下從容字數行孤

忠懷 二聖後事付同鄉早告家人輩臨期有主張

其年

五月十七日君有書至家
云急難時我自有主意

留守飛章入 朝廷鑒苦衷
卿班登四品 時論配三忠
呂鏡字尙書以徐大司馬許少宰袁太常爲比
旅櫬歸程遠 豐碑墓道崇
乾坤存正氣 婦豎拜英風

我一積唐老 聞風亦肅然
昔曾題儷句

余聞君訃卽今書一聯輓之

又讀遺箋名 繼夏陳後光
騰峰柳邊魯 公有銀鹿儻許

其流傳

君有僕趙升與之金不去仍扶櫬回南是亦可嘉也

余素不工書 而求書者頗眾
殊不可解疲於筆墨

倦而賦此

平生最拙是 臨池強應人
求愧轉滋一字庵名留 鞋鞞

蒙古喀喇沁王屬書夔庵額蒙古乃蘇鞞之遺種見圖書集成邊裔典

數行經訓付 禺夷

日本學堂每每乞書講堂直幅余輒書經語應之如易
經君子體仁四句孟子居天下之廣居一節之類或說
日本爲古禹夷地以禹郁綾文纒寫尙書刺粵督德靜
倭三字通假證之似可信綾文纒寫尙書刺山尙書屬
書名刺二字唐人各刺有以綾爲之石墨還題宰相碑
者故有綾文刺之名見明張萱疑耀
時爲李文忠公只有八旬舊開府憐余衰病勸余辭任
書神道碑額沉中丞見過謂余凡人求書者可勿應

卽亭侍郎以尊甫小樵先生遺像屬題感懷舊事
爲賦長歌

我少時從先子游六年同泛毘陵舟主人客籍寄吾浙

每因試事來杭州主人汪樵鄰先生休甯人時同學少

年人五六汪氏兄弟叔姪三人君與令弟租得運司河

下屋晝飯常橫並坐肱夜眠亦抵聯牀足三八欣逢別

饌期

漁隱叢話云兩學公厨例於三八課試日設別饌可知今三八女期本於宋也

互矜拙速

與工遲朱莊共訪湖邊墅

時有朱氏於湧金門外新闢一莊花木亭臺極盛時往游

之今莊已廢而尚存朱莊名

施社同游橋畔祠

寓左近有施將軍祠卽宋時施全也

雖比我十年長不礙談諧相詭浪笑君語語帶吳音

操吳音汪氏昆弟每以爲笑

戲我人人呼副榜

余時已中副榜同人每戲呼余爲副榜公

此事分明在目前悠悠六十有餘年不惟舊雨都零落

并覺浮雲盡變遷令子翰林官少宰歸到吳門今數載

出君遺像屬題詩笑貌聲音真宛在當時城外好門閭

延月軒中坐讀書

君家在姑蘇城外有延月軒此圖卽名延月讀書圖

燕麥兔葵

重過訪風亭月榭總成墟我亦臨風一回首湖山景物
全非舊舊夢成煙不可尋流年逝水安能又先生有子
振家聲今歲曾孫喜又生只我白頭談往事蕭蕭風木
不勝情

黃鸞曲

余去年西湖禠詩云拋開手版卽袈裟一十年前王
克家爲理安寺僧燈裕作也乃其姓名皆誤其人實
姓黃名鸞今據其來函并采陳蘭洲大令說爲作此
歌以存其眞且正吾誤

拋開冠蓋卽蒲團一入空門歲月寬蒼狗白衣人事變

誰知當日有黃鸞黃鸞家住南昌府鶴嶺鸞岡舊游所
不惟家世習儒書亦且姓名登仕譜皖公山色最清嘉
此地曾經駐倅車窮倅一官長落寞偶然乘輿到京華
京華喜有賢昆在乙丑進士黃俊郎署星高光矐矐因而提挈
入金門宮漏遲遲隨眾待其時拜舞滿班聯恭值慈

僖萬壽年遙認儀容黃閣老近瞻風度玉堂仙

謂常熟公及錢

唐吳子修太史

臨別阿兄深有意皖山皖水都無味兩浙屏藩

天水公借他盈尺階前地手持尺素又南來屢叩朱門
總不開兩浙人才多似鯽豈能異地更求才無聊閒作
西湖客山色湖光兩清絕多時醉夢忽然醒一笑從前

吾計拙乃從昭慶拜雲谿

雲谿乃昭慶寺主僧

明鏡菩提賴指迷

昔日官場稱別駕此時山寺作闍黎
錢唐太史來禪室相見居然尙相識
長安棋局竟如何世事真堪長太息
天水尙書最可憐鰲纓盤水送歸泉
白衣元老歸來日也向空山泣暮年
郭郎鮑老無非戲螻蟻王侯渾不異
去來今事不須提水火風災行且至
我亦邯鄲夢醒人久知浮世了非真
聞君高蹈滋吾愧還是拖泥帶水身

送陳後石侍郎巡撫河南

正仗漕艦鎮上流

時方爲漕運總督

又移使節到中州昔年虛

拜甸宣命

前年曾拜河南布政使未赴

今日真爲河洛游底柱勳名

駕張李

唐張鎬爲河南節度使以功封南陽郡公李光弼爲河北節度使以功封臨淮郡王皆卽今之

河南巡撫也

梁園賓客盛枚鄒惜余未克從公去去看巢痕

無恙不

王居士碣歌

王居士碑新出土金石諸家目未覩此碑名碣實非碣

大類石幢兼石柱

石有八面各廣尺許長四尺許

徐子示我新拓文

謂花

農

文字完善不待補王君世係出王喬黃老家言受之

祖

祖名海好黃老術

晚年蹤跡慕林泉壯歲聲名滿庠序方將

進士貢明廷翻以賓僚入王府徐王元禮神堯子貞觀

六年移封徐四年庚寅君始生羅縵繡被啼呱呱

君卒於開

元二年年八十五當
生於貞觀四年庚寅辟召何乃及童稚揆之年齒殊難

符康王胡謝子茂立君年應已四十餘元禮於咸亨二年薨諡曰康子

茂嗣立計君學成名立出而仕翩然來曳王門裾徐王

尊禮稱先生必已儼然一丈夫若其尙在康王世計年

未合先生呼康王年齒不可考然其居王位五十年則其長於王君幾二三十歲天門中

丞精考古得無於此稍麤疏胡中丞跋謂王君所事卽康王殊誤嗣王繼

立雖無道敬事先生不敢藐先生曲意與周旋苦口挽

回應不少禮有坊記詩甫田卽是先生諫疏稿均見無

如內行已虧傷祿位安能百年保未幾奉詔入京師雖

未明言事可曉必其逆跡已彰聞朝廷意在申天討招

君共載君力辭張翰秋風見幾早

碣載君之言曰張存翰嚴陵斯可已矣

神養壽終天年竟與汾陽同壽考

郭汾陽卒年亦八十有五夫人張

氏小九齡亦復齊眉偕到老

夫人張氏卒於開元五年年七十九溯其生在貞觀

十三年小

於君九歲先生有子子四人人人守璞全其真季子慎

貞仕於釋竟以巾鉢當朝紳

碣云慎貞仕釋為沙門以出家為仕亦奇墓碑

卽其所建豎可知忘世非忘親作者一僧其名逸文章

古雅無纖塵題額書丹出一手翩翩筆致如有神

碣未署名

云并府北崇福寺沙門逸文并書兼題額文則隸書題額及署名皆篆書

額書有唐古處士

古故通用非無因

額云唐古處士王君之關雎黃鳥物

不類齊桓管仲人不倫古人得意可忘象下筆不怕俗

士噴齊桓語又云翮翮黃鳥君子好仇即詩關雎篇

意何意王居士塔外又得見此希世珍唐顯慶時王居士塔銘明末

出士已殘缺此碑近始出土尚完善王居士諱王公王

公太原晉陽人此王處士諱慶上黨黎城人

慶兩處士太原上黨真比鄰我作長歌紀大畧儻附此

碣傳千春

立夏日支竈於庭掃葉爲薪以米和蠶豆又碎切

肉及筍合煮成飯飯熟聚餐謂之喫野飯鄉俗也

賦詩紀之

南郊迎夏等迎春野飯年年學野人敗葉枯枝隨意拾
泥鑪土鏗一番新清泉任浙矛頭米活火憑燒車腳薪

倘做七家茶故事還將庚癸乞比鄰吳俗立夏日乞左
右鄰七家茶葉煮
茶飲之免兒童疰夏野飯之意亦是
如此故吾鄉亦有乞鄰米煮之者

陳六笙方伯奉護理川督之命寄詩賀之仍用

其軍中紀事原韻

新開幕府舊明經公以拔
萃起家千頃洪波老更澄闔外風雲

歸使節案頭滋味尙書燈揮將赤白軍前羽掃盡青蒼

境內蠅此日浣花光景好應馳吉語報 觚稜

無須魯鼓與枸戈好自摹崖大小巖公善
書朝野傾心

期作督軍民伏地共呼波蜀語尊老人曰波見吳
船錄公年七十七矣鬚眉

自覺猶非鬻詩酒何妨尙有魔我寫濤戩寄夔府余寫
此詩

卽用公所贈薛濤牋可容一曲附鑄歌

光緒癸卯科會試四川中額十四人及榜發而吾孫去歲典試所得士實居其十不可謂不盛也以詩紀之

去歲秋闈歲在寅吾孫奉使到峩岷正愁玉尺衡量誤又值金科律令新是科廢時文用策論且與同看夔府月不知誰占鳳城春今朝檢點題名錄十四人中得十人

題沈越若庶常鸞簫集

沈越若庶常乙未館選後乞假歸娶巢同人所贈詩而刻之曰鸞簫集因明宋景濂送張翰林歸娶詩有

紫簫吹月夜乘鸞句也讀而艷之爲題四絕句

玉堂歸娶最風華數百年來能幾家記得前明傳盛事

會元霍與狀元花

明洪武開科狀元花綸正德九年會試第一霍韜然皆非翰林也

同朝媲美豈無人洪武時張萬厯陳

洪武時張宣雖翰林而非科甲萬厯

丁丑進士陳泰來則非翰林

最是梅村吳祭酒明倫堂上洞房春

村崇禎辛未一甲二名歸娶於明倫堂成禮

聖代爭傳史與潘

溧陽史文靖吳縣潘文恭

中間尙有老袁安

隨園居士

如今數到東陽沈月夜吹簫更跨鸞

我讀鸞簫詩一編幾回艷羨幾流連他年再赴瓊林宴

便請重開合卷筵

送月汀將軍還京

敢云交紀又交羣六十餘年意自殷桂苑叨陪先相國

余與令伯文

靖公同年

柳營得揖上將軍宦游仍訝清如水

君歷任封

折宦橐蕭然

時局休驚幻似雲惟願湖山來坐鎮白蘇隄畔

再逢君

余孫陞雲童試第一鄉試第二殿試第三今散館
第四胡笑山觀察以詩來賀有元亨利貞語兩疊
韻報之

吾孫僥倖屢成名疊見佳音出鳳城當日忝曾分鼎足

須知鼎卽籀文貞

說文云籀文以鼎爲貞

經濟科開又隸名

陸雲又將應
經濟特科

珽珠豈敢望連城倘容

第五橋頭過否則何妨六曰貞

送陸春江方伯赴署漕督任

帝命藩臣鎮上游錦帆細雨送輕舟屯兵正是周淮浦

轉漕仍稱漢鄼侯

鄼字從
師古讀

旌節連翩從此始園林珍重

爲君留

漕署有清晏園陳筱帥改名
留園以此缺請裁而仍留也

花開三瑞應無恙

擬共平原再唱酬

陳筱石漕帥去年有清晏園三瑞
詩一並蒂蓮二並蒂蘭三並蒂菊

豫撫陳筱石中丞過蘇見訪并以詩贈次韻酬之

金符玉節朝

天去卻爲衰翁枉駕來

原唱云特爲情
先生買棹來

話欲將尊酒敘征程已被簡書催

欲留一飯以樞廷小
有信來催故不果

園未盡流連意大局全憑幹濟才見說 明廷求治急

應煩妙手佐鹽梅 時論皆期君入贊軍機

彼石又以留別清淮詩見示即次原韻送行

長淮千里被棠陰忽動離愁不自禁 帝以封疆需重

任臣憑河嶽鑿微心小民悉索愁懸磬中土膏腴易播

琴想見隨車甘雨徧不煩父老再呻吟

送君此去到天津珍重長塗觸熱身已見頻繁頒節鉞

行將密勿贊絲綸晨曦丹陛承 新命夜雨黃扉慟故

人 謂榮文忠公 好布 朝廷寬大政康衢擊壤總堯民

中外翱翔歲月寬即今聲望動長安趨 朝未覺 天

閩遠

時駐驛
頤和園

假館何嫌壻水寒

擬借住
許氏宅

待赴兩河新

使宅未忘三輔舊居官

君曾官
京兆尹

皇州風景今奚似再

向銅駝陌上看

唱罷陽關第幾聲不辭一再和先生自慚地主殊疏闊

但祝天衢總坦平膝下聊攜小蕭愿

時攜曾孫
僧寶出見

人間已

算老虞卿尙煩傳語吾孫曉幸勿傷君相士明

性雲承
君保薦

科特

徐孝子詩

卓哉徐孝子

名職諸
暨人

室行人難侔但盡無方養不作有

方游

讀論語不遠游章謂
游不游當體親意

日侍母之膝夜居母之樓

樓居

養親足不下樓者數年 母或有不樂笑語常呶嚶母或有小疾焚

香露叩頭爲母割厥股爲母舐其眸

有目疾爲舐之

爲母執梳

批爲母洗廁踰有親故慶弔無旦夕淹留晨出騎驟行

暮歸放驟休

畜一驟有事他出朝乘之出暮必乘之歸不逾一宿

小齋曰日省賓

客來綢繆名理談程朱詩句聯韓歐忽聞母一呼雙袂

登時投倚佯頤園中年年春復秋依依烏巢內不知有

王侯

頤園烏巢皆築以奉母者

體母之遺愛族黨無弗賙遵母之遺

命善舉無弗修爲母表苦節上達十二旒爲母卜吉壤

踏徧東南州未葬不釋服麻衣如蟬遊此尤今所希迥

異恆人儔鄉里重其孝環向臺司求

天子嘉其孝

詔書下所由建坊表門閭貞石工雕鏤方今人間世
風俗亦小偷天性日以漓異喙鳴啾啾卓哉徐孝子至
行人難侔我爲孝子詩敬待太史轄

胡效山觀察賜曾孫僧寶文房珍玩賦謝

攜得曾孫出草堂憐渠塗抹未成行俗書姑託郭祥正
今小兒所書上大凡二十五字宋時已楷體難摹姜立
有之白雲禪師曾舉示郭功甫祥正
網明時百家姓千字文諸書皆命姜大僕
立網寫刊謂之姜體書取其字畫端正桂府尙宜供
面具蘇家豈合譜文房重煩長者殷勤意分付鄒婆好
與藏

六月三日姚夫人生日焚寄

歲歲年年酒一尊今年此日卻堪論蘋蘩佐祭悲無女
去年此日長霄漢飛騰喜有孫陸雲以翰林應經濟英
女猶來助祭特科取一等第八名錫可能重秉節桑蓬會見迭懸門陸雲妻妾秋風星使
詞曹出倘許追尋舊爪痕皆懷任

余孫陞雲應經濟特科取列一等第八名賦此志

幸

聖朝經濟特開科兩試形廷不厭苛欲上徇陽須至

再得留矍相竟無多

第一場取數甚寬共一百二十七人覆試極嚴止取二十七人瀛

洲縹緲猶堪到

二等十人邛阪嶙嶙豈易過一等九人僥倖吾

孫叨第八遂教躡席上鑿坡

有旨記名

自踏名場廿載寬

自甲申年年初應縣考始今二十年矣

居然十度試

金

鑾

自舉人覆試至今應特科保和殿考試十次

文壇奪得三重席

進學第一中舉第二

殿試

第三仙鼎燒成六一丹

進士覆試一等朝考一等散館一等

殿試一甲經濟特科

第一場及覆試皆一等

祖德休忘留處遠

吾家科名皆先祖南莊公所留貽屢見吾詩文

國恩須念報時難
翱翔雲路非容易
寄語吾孫子細看

陸雲舉第二男誌喜

夜半聽啼聲
牀頭鐘再鳴

自鳴鐘適二擊

剛逢庚伏盡

是日出伏喜

報坎男生暑夕添涼意

是夜頗涼爽

嘉辰錫令名

以其生於六月二十

七日乃

萬壽慶賀期

朝來傳紫電
送喜到燕京

是日

內故取乳名曰慶寶
電報告知陸雲詩重二
喜字喜不嫌重勿易也

答夫已氏

自慙言行只硜硜聽爾申申意轉驚管幼安惟貞素履
王夷甫竟誤蒼生力微難作中流柱味淡甘爲太古羹
不幸虛名盈海內爲功爲罪任人評余從前曾貽浙撫
將來必有兩種議論一謂曲園三十年來造就人材不
少一謂兩浙人材盡敗壞於曲園一人之手不圖今日
果有斯言

日本村山節南以所製韻字糕見贈自一東至十

五咸其數三十賦詩謝之

粉養五五儼成行

五枚爲
一列

製到刪咸字字香韻譜何妨

用平水食單大可佐重陽層層燦列同羣玉

一紅一
白相間片

片勻排似截肪

其形方

多謝東瀛仙客意來將詩膽試劉

郎

七月晦相傳爲地藏王菩薩生日家家然燭於地
計家中人年齒若干則然燭若干香亦如之俗
例也余曾爲譜燭影搖紅詞今又戲賦此詩

玉露金風幾度忙草堂花徑十分涼今年不乞天孫巧
此夕還燒地藏香冉冉年華聊屈指搖搖燭影自成行
秋來又抱曾孫一添得清煙一縷長

詠不倒翁

麥熟頭低黍熟昂休嗤此老太積唐不同黃胖游春險

更比朱衣點音忙大可呼爲強項令雅宜配以踏搖娘
何人學得翁頑鈍笑對春風舞幾場

余有一貓畜之十八年矣忽然而死悼之以詩

不是仙貓亦是仙誰知數盡竟難延移來京國三千里

丙戌年得之京師 養到貧家十八年但覺形骸久消瘦浪誇毛

色尙新鮮近來每日啖以虬龍高冢無須築黃耳青衣

其一 阡舊有婢死買地葬之後有獬豸犬死亦埋於此今貓亦瘞焉

浙闈將次揭曉由布政司行湖州府檄委烏程縣
教諭徐君志芬持中丞聶公名柬來蘇請余重赴

鹿鳴筵宴余以衰老謝不能赴賦詩志感

六十年前爪印消不堪霜鬢久飄蕭賓筵莫副承筐意
軍府翻勞折柬招浪說衰翁猶矍鑠敢陪嘉客再逍遙
閒官勾當閒公事虛費胥江往返橈

浙撫聶仲方中丞浙藩翁小山方伯又以電音來
請赴宴亦以電復之再賦一詩

吳下年來閉戶居中箱綬筭總生疏

余在吳下杜門不出一年有餘矣客

至概以

青雲未合陪新進紫電徒勞到敝廬袞袞諸公

虛勸駕皤皤此老久懸車惠者小錄親編纂也算名山

一卷書

時余輯惠者錄一卷紀重宴之事

鹿鳴之宴余以衰病謝不能赴又由布政司行湖

州府委員齋送銀花二枝銀爵杯一具祇領之下
敬紀以詩

八十衰翁老柏塗

宅加切

偶因年例拜休嘉黃封許飲上

尊酒白首叨簪

御賜花鄭重官符行郡國便蕃 恩

禮到山家異時尙有瓊林燕能否重邀異數加

九月二十四日亡女絲裳生日也女壻許子原適

自松江移守蘇州於前一日接印爰於郡齋營奠

余聞之感賦二絕句

自汝云亡廿載餘

二十二
年矣

喜看夫壻守姑胥木蘭堂上

風光好鸚鵡無由得其居

今日剛開愍忌筵

古人以身後逢生日爲愍忌見元素王夫人施長生錢記

一門裙

屐集聯翩謝家最小偏憐女兒女成行繞膝前

其弟六女卽余

孫婦亦兒女成行矣

題明人曹桐邱先生

鑠

乞食兒謠并圖

自鄭俠流民圖後繼之者有明楊東明之河南饑民圖萬曆時所上也乃今讀先生此謠觀先生此圖作於嘉靖三十四年乙巳則在楊東明之前矣其謠旣詞旨辛酸其圖更華墨慘淡使人生惻隱心鄭楊之圖不可見此宜長留天地間矣其所上大中丞丁公乃丁汝夔按明史本傳嘉靖中巡撫應天考職官志

巡撫應天等府一員嘉靖三十三年以海警移駐蘇州先生進此謠正其移蘇之明年故云下車訪求民隱情事正台丁公雖不善其終然在當時亦一名臣傳云正德十六年進士距先生於成化二十九年成進士已二十九年真老輩矣海警方殷加以饑饉又承老成人苦口指陳未知能有實惠及民否先生十三世孫贊明寶藏遺墨乞題於余率書數語并題二絕句

一曲長謠已可悲重煩老筆寫流離溯從鄭俠流民後
又見先生畫乞兒

自是桐邱世澤長至今後裔總書香披圖更爲前朝歎

堪歎當時丁大章

丁汝襲與陳九疇等同傳史臣贊語頗有惜詞

題日木鈴木蓮岳塔澤山莊圖

箱根山高插天山中處處流溫泉塔澤一泉尤清漣
此泉出自慶長年彼國年號距今二百餘年後遭洪流仍湮鈴木
先生此卜廛俯見平地生清煙從而扣之流涓涓依然
氣得春之先乃構精舍臨溪前草堂花徑相鉤連平橋
橫亘如虹懸先生徙倚朱欄邊孺人稚子隨其肩下逮
鷄犬皆怡然嗚呼先生人中仙

題長興鍾偉弢先生家書長卷

先生名明遠國初人

聖世龍興日羣藩騷擾時先生持大節當代未深知試
取遺書讀還將舊牘披何須韓吏部許遠本無疑

初作惠州守爭看惠澤流瓜分俄鄭氏

先生守惠州海寇鄭氏入犯逆

藩割惠州與之

乃懷印入省

匏繫又廉州

旋移守莽莽豺狼窟淒淒

狴狴囚

守廉適祖澤清叛被執不

臨刑發高唱九死免

刀頭

賊帥欲殺之臨刑賦詩

甫幸身離獄俄聞疏達

天傳忠毅疏

臣躬無胡缺吏

議太拘牽

吏議以不先投呈格之傳

已屈占稀歲因歌

歸去篇樂山亭在否世澤至今延

晚年隱居不出築亭曰樂山

賴有蘭臺筆

蔣丹林總憲跋語最精

千秋得定評亂時容失印

謂蔣

劫印事歸日豈投誠蔣謂公未從賊何待投誠 墨跡今
不必諱部文誠字必呈字之誤

猶在丹心久更明牛腰一長卷永鎮故障城

能亭侍郎傳述藝棠中丞之意以余重宴鹿鳴欲
製扁以贈賦詩辭之卽以陳謝

一曲霓裳奏大羅天教此老又婆娑倘援學士覃溪例

再待三年丙午科

翁覃溪先生乾隆壬申嘉慶辛未科卽應重宴

恩科進士恩榮先生

願遲一年以甲戌科重宴若
援此例余應在丙午科矣

鹿鳴舊韻疊萃蒿衰朽何堪異數叨聞說同年韓比部
力辭此舉意囂囂癸卯同年韓叔起比部躬元本年應重宴鹿鳴問其力阻公呈竟未 奏

請

老夫意興亦衰慵竟未輕舟赴浙中想自頻羅庵主後

賓筵罕見白頭翁

吾浙自梁山舟先生重宴鹿鳴後又得七人而後至余然以余所聞七人

中如湯文端公如張中翰應昌如李侍
郎昂芳如孫學士鏞鳴皆未親赴也

開府清新已有詩

中丞和余
二詩甚佳

敢叨妙墨耀楹楣願君留

取如椽筆他日爲題有道碑

月汀將軍以重九日用杜韻詩寄示依韻酬之

緯武經文章孝寬閒招親故共尋歡不妨暫落龍山帽

未必長懸神武冠大樹威名猶在望重陽風景尙非寒

相期勉紹黃扉業

謂文靖相國
及文端揆揆

好與江湖老友看

丁厚菴名椿榮諸暨人道光癸卯科武舉人官至

平陽左營守備光緒癸卯例得重赴鷹揚宴而科
 停宴廢因 奏準歸入鹿鳴宴洵異數也余倖與
 同宴又聞其明年正九十矣賦詩賀之卽以爲壽
 玉詔新頒罷武科尙餘嚙喏舊廉頗因將猛士大風曲
 并入嘉賓小雅歌正惜同年儕輩少欣聞異數 聖朝
 多惟憐我轉積唐甚不是詞場老伏波

聞君束髮戰黃巾戎馬崎嶇廿載身刀下不輕成一命

所至紀律嚴明 不妄殺一人 濠邊何止活千人 守衛州時城外難民環而求入哭聲振地

君冒軍法 開城納之 于公種德真無算翁孺封侯定有因轉瞬期

頤登百歲引年又得拜 恩綸

臘八日藝棠中丞親送重宴鹿鳴匾額懸挂寓廬
是日也鼓吹填門簪纓滿坐亦盛舉也薄治一樽
率呈四律聊酬雅意兼述鄙懷

鄉舉重逢六十年 君恩再赴鹿鳴筵
浙中已費嘉招

意浙省先委員來請
又發電音敦勸 吳下還教盛事傳
楊子生平甘寂

寞余曾以
詩辭 翟公門巷忽喧闐
樂知堂上人爭看戶冊輝

煌四字懸

中丞坐鎮闔廬城折節論交最有情
同譜叨陪先相國

余與文靖相國同年 寄居亦是一蒼生
竟煩濡染親題

故中丞執世誼甚謙 額更感聯翩共署名
同列名者胡效山觀泰任筱沅中丞汪肥亭侍郎潘濟之太守而余

婿許子原適守蘇郡故亦與焉頓使衰翁繫舊夢儼如金榜叩柴荆

怡園東望路非遙迤邐迎來吳苑橋

是日中丞以下諸公先集於願氏怡

園然後送

坐上大羅仙聚集街頭軟繡仗飄搖游龍流

水前驅盛

志潤臣文幼峯吳薌硯應季中四太守爲之先馬

野鶴閒雲故態驕

今日居然扶病出布袍朱履舊豐貂

余近來見客率以便衣是日已爲盛

矣飾

老夫疏嬾異尋常自杜門來與世忘一甲榮歸無賀客

余孫以鼎甲假旋不受賀

八旬耄壽不稱觴

往年余八十生辰扇門不見一客

承迎

勉副諸公愛灑掃平添幾度忙手挈曾孫同下拜算伊

生日小排當

是日曾孫僧寶生日

嘉平十二日能亭招余孫陸雲爲其從孫賢者入塾破蒙賀之以詩

鳳雛嬌小試清聲特召吾孫酒一觥忝與前科充榜

宋時一甲第三名亦稱榜好爲來歲破年盲明年首尾

眼詳見趙雲蕊餘叢考無春俗稱

盲年忌入學故萬宜樓迴圖書府君藏書處五世交深

於年前預行之時攜曾孫僧寶借往惟願異時小兄弟翱翔連

車笠盟與君家訂交五世矣

步到蓬瀛

程貞女詩

貞女江甯人生十五歲許嫁上元周爲鈞爲鈞卒貞女執前約仍歸於周以賢孝稱年二十九而卒嗣一

子殤其兄先甲來徵詩

貞女姓程氏許嫁周氏子未嫁而周死天平奈何此

章

耶孃語阿女汝勿徒悲哀爲汝擇佳婿爲汝求良媒

二章

阿女語耶孃兒旣以身許生則周氏人死則周氏

鬼

三章

乃造周氏門乃登周氏堂是日風淒淒白日無

輝光

四章

夫婿渺何所惟有栗生在抱之而成禮麻衣

扱地拜

五章

舅姑語新婦汝志良堪嘉不以生死異奈

汝青春何

六章

新婦語舅姑生死誓不負冰霜兒有心

井曰兒有手

七章

女事其舅姑一如事其親舅姑視新

婦亦若掌上珍

八章

女昔在母氏割股療其父女今在

夫氏又爲翁割股

九章

既爲夫氏謀巨細無弗周又爲

母氏謀戶牖同綢繆

十章

父母既考終諸弟亦成立心

與力俱盡無何女亦卒

十一章

是在戊戌歲閏月暮春

天女生廿九歲歸周氏十年

十二章

天地之正氣

國

家之貞教名教之幽光閨闈之奇操

十三章

厥弟曰先

甲好學能文章乃爲闡其微乃爲揚其芳

十四章

舊史

氏俞樾感而爲之賦賦詩十五章凡章皆四句

十五章

醉司命日能亭以温州蠶豆見餉

朔風豈是浴蠶天何處青青豆莢鮮君說來從九鳳嶺

温州有九鳳山

我疑彼有八蠶繇煮成自是偏宜粥買到須知

不論錢記得老彭曾見餽冬瓜臘日也登筵

彭剛直曾於臘月餽

廣東
冬瓜

代曾孫銘衡賦謝藝棠中丞

欲賦高軒謝不能如何嘉貺竟頻仍
新頒錦服猶藏笥
又賜金錢託買燈背諷詩篇慙未熟

命背諷唐詩

面承辟咎

喜難勝他年困學粗成就百尺龍門儻許登

賀皕亭侍郎納妾

春風新賦定情篇老去檀奴尙放顛
博得朝雲呈瓠齒

坡仙真箇是髯仙

君多髯

見說家依堦水旁雙林曲巷一條長

君兩妻吳夫人皆居雙林巷姬家亦

在遙知系出仙人後五柞山人本姓方姓方

聽徹沈沈玉漏遲晚妝燈下最相宜蘇州太守眞無賴

投轄留賓到亥時是夕蘇州太守招飲君亥刻始歸

蘭房換去舊桃符射覆藏鉤總不孤明歲西湖春水裏

畫船同載有清娛君每歲必至西湖

毀譽

毀譽人問本是空悠悠任彼去來風腐儒豈是王夷甫

有鄰歎貽書言余文章學術誤盡蒼生羸老原非郭令公門下士陳蘭洲大令言余乃文

汾陽聽彼呼牛與呼馬化吾爲鼠又爲蟲但求萬斛

中山酒醉到天元甲子中

甲辰編

春在堂詩編二十一

德清俞樾

甲辰元旦

乍雨還晴景物暄屠蘇在手欲何言甲辰猶是前鄉貢

前甲辰余舉於鄉

庚戌真成老狀元

臨平市丐王老人嘗呼余而言曰爾當作狀元時余

已罷官歸一笑置之乃光緒癸卯會試後翰林認啟單出則庚戌下止余一人姓名老人所謂狀元豈謂此乎

噫丐其仙矣

拋去歲華難捉搦拈來詩筆欠騰騫一年一集

頻年事

壬寅癸卯兩年各得詩一卷

此例今年儻許援

藝堂中丞次韻賜和疊韻酬之

幾日微寒幾日暄已欣春入鳥能言銷磨世慮憑黃老

唱和詩篇做白元我是寒蟄宜伏處君如威鳳正高鶩
相期勉紹韋平業

君先德爲
文端協揆

多少蒼生待手援

中丞來詩有海濤島霧之歎因再疊前韻

海濤島霧變涼暄豈止西鄰小有言幾見兵氛銷渤海
惟聞 恩詔逮黎元水犀軍未平時練金翅船從何
處騫見說貪狼芒角盛天弧在手試爲授

藝棠中丞三疊韻賜和亦三疊韻報之

浪傳吹律早回暄

時立春已
半月矣

懷抱悠悠再一言人道先

生如甫里自憐朝士尙貞元春蠶已覺絲將盡病鶴難
期翅再騫欲叩戟門仍未果不辭秃筆爲君援

四疊前韻贈胡效山觀察

先生杖履得春暄仕宦恩恩口不言自有遺音追正始

更將舊事話開元

君贈余八旗文經五十卷內多木朝掌故登龍望重人

爭附

君在京師門下士甚盛

鳴鶴聲高子共騫

謂今子志雲觀察

惟爲君

家悲大阮竹林未許再攀援

余與令叔迪甫明府同年久作古人矣

五疊前韻贈鮑亭侍郎

西小橋邊草色暄

君家在西小橋

賓朋滿坐聽高言

君客甚多笑將

乃洵

請去聲

嘲王導

世說何乃洵之洵相承讀平聲然劉孝標法云吳人以冷爲洵而集韻四

十三映有洵字楚慶切冷也亦云吳語則此字可讀去聲也君善吳語故云

戲以于思諱華

元君多髯

宛轉嬌鶯啼恰恰

君新納姬人

婆娑老鶴舞鴛鴦萬

宜樓迴藏書處

君藏書處名萬宜樓

在上高高未許援

六疊前韻自贈

曲園草木未成暄花不能言我欲言且守庚申過暮歲

預籌甲子到天元

依宋王裕說再入十年爲天元甲子

海魚未必長跳盪

山鳥何妨自翥騫余已飄然將出世或如柳下尙堪援

藝棠六疊韻見示報以七疊殊有鼓衰力竭之歎

晨窗把筆趁晨暄一寫花箋四百言

七疊韻共三百九十二字四百舉成

數但願兵端銷九海好從歲首慶三元兒童喜有新詩

至曾孫僧寶喜告日撫臺又有詩來矣

老朽慙無逸興騫力竭鼓衰君莫

笑右袍不敢再爲援

前詩至七疊韻意已倦矣而鮑亭此韻多至八疊
讀之鼓興因亦八疊前韻

八九初交候更暄

是日交

興來語語又言言精神敢望

衰中健世運須開貞下元草木經春猶未發

已能驚

適一蟲飛至

詩成餘勇還堪賈未向強鄰去乞援

與家人夜話九疊前韻

燈前團坐夜仍暄婦豎追隨共笑言世系難稽俞跗始

相傳俞姓出俞跗余考之未確

生年還溯道光元

余生於道光元年

浮生已分

泥塗老舊夢休從霄漢鶯久擬教游人外去爾曹何事

苦扳援

滬上以日俄戰事摹繪成圖閱之惻然十疊前韻
偶一披圖慘不暄蒼生劫運那堪言魚龍噓氣連濛汜
烏兔韜光入混元鐵甲船高驅浪立紅衣礮猛挾風騫
茫茫天地無情甚佛出須知不可援

韻至十疊可以止矣然第十首不足結束諸篇十
一疊韻以爲之殿

七人八穀總晴暄坐對梅花可與言簾內婢攜小鴉角
余晝坐書齋家人輩以囊中錢貯大龍元時官鑄枯豪

余病後遣小婢隨侍元錢不惜千枝禿妙緒還憑一縷竊隨意唱酬皆入集吳中

舊事不須援余疊韻詩多不入集是以有吳中唱和集

能亭於暄字韻竟至十三疊因十二疊報之此後
當不再疊矣

老來方寸尙餘暄槃澗幽人獨晤言敢望金錢賜高頓

宋史高頓年八十四拜
左補闕致仕賜錢十萬

但期酒食奉曾元木越食字真

成蝨寒鳥投林未是窩

說文窩從鳥寒省聲
但取其聲不取其義

疊韻詩終

作瘦語三之胡又四之緩

考工記治人云胡三之緩四
之茲但取三四字作十二耳

正月十三日上燈懸兒童十數人各執花燈盤旋
春在堂亦頗可觀賦詩一笑

老夫意興故蕭然偶傍元宵畧放顛綠炬紅釭相掩映
燭奴燈婢共回旌一輩兒女小遊戲五色魚龍大曼延

西京賦是爲曼雅注音去聲然魯靈光更有銀花開火

殿賦斬楚曼苑自續平聲當可不拘也

樹金沙玉礫滿庭前是夕又放花爆

良宦小坐

曲園東北開室

尋春到良宦小坐最相宜掃葉粗通路扶花特補籬盆

魚紅鞞鞞籠鳥碧琉璃

兩鳥碧色淺深相闢

不覺流連久怡然忘

我哀

鷲齋前一日曲園看雪

等是園林雪春來便不同萬花將吐豔一白與爭雄奪

盡楊枝綠收回杏葉紅昨朝當此際雷鼓正隆隆

昨日大雷

正月十八日大雷電十九日大雨雪藝棠中丞示

聞雷詩二律次韻酬之首章答聞雷次章詠雪

人間正苦蟲蟲熱

前數日熱甚

天上俄傳虺虺吟此日一聲

起平地異時四境足甘霖收回庭院炎歊氣聽取雲霄
咳唾音畢竟震方生意暢豐綏可慰使君心

去歲冬隄微有雪今年春早已聞雷素娥暫出還扇戶

十八日雷雨後已見月矣

青女重臨不待媒

淮南子云青女乃出以降霜雪是青女兼主霜

雪世人習讀李義山詩句

送若青女專主霜者非也作賦人仍梁苑去尋詩客又

灞橋來祥雲一樣皆堪喜六出花看五出開

世傳臘雪六出春雪

出五

聞雷看雪和胡效山觀察

雄雷初鼓盪快雪又飄搖送去仙人謝

謝仙乃雷迎來

相國蕭

南唐時酒令借雪合古人名徐融云明朝日出爭奈蕭何

鳴聲虓

音訐甫息職

勢讎

音

方驕兩日分冬夏問天天苦遙

却助幽人興新詩次第成忘言逢雪子

莊子田子方篇孔子見溫伯雪

子而

不言點將到雷橫

明季東林點將錄有插翅虎雷橫

莫再瀟瀟降休輕

巖巖鳴關心民事重既喜又遷驚

送從孫同奎游學西洋

一經世守又農桑百有餘年祖德長吾道無端開別派
爾曹相率走重洋風霜閱歷窮荒地眠食商量保衛方
八十四翁衰已甚恐難再見汝還鄉

齋前有竹數竿柏樹桂樹各一株吾歲寒三友也

贈之以詩

一自天桃謝

舊有桃樹萎謝久矣

添來竹數竿桂深陰密密柏老

勢丸丸以此爲吾伴相依共歲寒呼爲三老友晨夕與盤桓

成都洪元白孝廉子英乃余孫陸雲典試所得士

也自蜀赴汴應禮部試迂道吳中來見贈之以詩

鸞輪正擬走噶噶迂道吳中款我門莫俟朝中無老輩

在朝諸老無一爲余前輩矣

且欣門下有曾孫

明人以門生之子爲門孫見都公談纂若

吾孫之門生則當爲門曾孫矣

迢迢桂籍逾三世

君曾祖肇東先生爲先大夫嘉慶丙子同

年而君伯叔曾祖中又有
爲余道光丁酉同年者

忽忽萍蹤欠一罇轉瞬曲江

開杏宴去年盛事好重論

去年會試四川額中十四人
而余孫門下得其十都下頗

盛以爲

春分日采綠梅花七朵淪湯飲之云可辟疫

窗下兒曹笑語譁瓷甌手進錯疑茶如何天上小團月
化作仙人萼綠華道是春分宜此飲不知年例始誰家
老夫一哈聊從俗疾疾消除氣力加

效山和余良宦詩殆未知吾園之陋也疊韻曉之
室東北曰宦名良固其宜小小兩間屋低低一道籬軒
窗欠丹牖詩句愧琳瑯且喜新開霽寒威此稍衰

使人展季碩女史之墓焚寄一詩

女史蜀人姓曾氏名彥張子黻祥齡之配詩畫篆隸
皆工且通羣經大義非尋常閨秀比也從子黻來蘇
與余兒婦輩皆相識時子黻猶困公車食貧相守伉
儷甚歡子黻多姬妾不忌也俄以疾卒卒後子黻始
成進士入翰林改官知縣選授陝西懷遠縣諍二妾
之官生二子調大荔縣宦途頗順去歲亦卒聞卽葬
陝西不返蜀矣而女史之柩尙在吳下權寄殯房已
十有餘年旣不能歸骨於蜀又不能合窆於秦歲月
浸久無人顧問私竊慮之適李紫璫大令超瓊來知

吳縣其鄉人也且與子黻有舊余因與言之卒賴大
令之力買地而葬焉余懷爲之一慰女史所著度其
室詩集一卷高古可誦余爲製序子黻刊而行之又
著婦禮通考尙未成書其病中有句云伏生老去傳
經倦擬作來生立雪人爲余作也余感其意故遣使
展其墓并焚此詩其墓地在吳縣十三都四圖律字
圩小地名曰青石橋地主曰吳福生曰吳仁山

小築佳城已半年墳頭宿草久芊縣門牆虛訂三生約
著述孤留一卷傳荒塚難招吳市鶴吟魂行化蜀山鵑
老夫不負平生意特遣奴星送紙錢

有以黃初玉幢求題者審之廣也賦此曉之

魏初佛法猶未盛古事遙遙無可證緇流一二出其閒

嘉平甘露見亦僅

曇利迦羅於魏嘉平中自西域來至洛陽沙門士行於魏甘露五年至西

域取此幢見說出黃初歡喜奉持不自勝一面刻像四

面文文字逾百無破豐世人但讀受禪碑得此真堪兩

輝映一讀而喜再讀疑疑其年月殊參差黃初元年八

月朔此語大錯非小疵魏文受禪以十月是月丙午初

登基黃初元年十一月大書於史如列眉可知十一月

以前漢家鍾虞猶未移年則延康非黃初帝則漢獻非

曹丕奈何於此不深考虎皮羊質吾誰欺或云魏初孔

廟碑亦是黃初元年立據史則在二年春碑文與史不
必合晉史豕亥易傳訛魯鼎贖真難辨識况茲玉色頗
黝然卽論刻文亦精絕摩挲几席自堪珍辨論是非無
乃刻我聞此言亦自笑刻舟求劍吾之拙不如敷衍成
長歌於意云何請問佛黃初孔廟碑實二年所立碑首
敘受禪事故云黃初元年也與
此不同姑
作談柄耳

日本白須溫卿餽衛生節賦謝

見說慈闈遠寄將

來書云老
母所寄

米津松製最爲良

題云米
津松造

想是人
名也

吹簫却近清明節題扇爭傳風月堂

售此者爲
風月堂畫

月於扇
爲記

妙極甘和非俗味功資保衛是仙方老夫藉佐

舍節樂攜到曾孫與其嘗

清明日命陸雲回浙掃墓

病餘未克拜先塋賴有吾孫代此行自問頽然一羸老
不知牘有幾清明薄營祭品常年例憑仗廳輪數日程
從中丞借小輪船自德清至杭州期於七日而返寄語湖樓與山館湖山緣已
盡今生

病榻口占

使者轡軒偶此過車前一揖竟成疴

唐春卿學使見過送之登車一揖之

後腰痛大作

折腰豈是陶彭澤僕背眞同郭橐駝門外高朋

來絡繹

問疾者甚多

牀頭小婢費摩抄

時遣小婢摩之

重煩幕府殷

勤意薦到鍼科與砭科藝案中丞薦砭科戴姓試之
有小效又鍼科張姓未試也

病七日矣書以遣悶

一病駭難差光陰七日除雨聲長滴
泅春色自天斜枕畔頻攤卷牀頭亂
插花客來應笑我高臥教留茶

卽亭極道閫門外杜三珍齋醬肉之美
適子原在坐命從騎往購之余笑曰此
西都賦所謂輕騎行庖也率賦一詩以存
一日之興

三珍老店杜家開吳下爭將美味推
豈我骨人堪領取煩君肴駟特傳來
一轡乍向盤中奉匹馬旋從郭外回
割肉正方兼得醬何妨市脯佐樽罍

去歲於曲園中栽日本櫻花一株今歲僅開二朶
日本領事白須君乃以數本栽盆見贈賦詩謝之
去歲移栽櫻樹花今年舊榦發新芽未堪蓬島三芝比
已較溫公一朶加敢向春風嗟落寞難從海國鬪繁華
東瀛仙客知吾意數本分來艷似霞

閒事

氣血俱衰不耐勞惟將閒事寫吟毫杜家買到三珍肉
事見前詩唐氏傳來萬應膏時貼鎮江萬應膏頗效枯木已拚長偃蹇
困鱗猶冀暫游遨何時仍向南窗坐坐擁書城四面高

卽亭贈蓮蓬蹄賦謝

操到豚蹄信復疑蓮房蓮實認迷離前生本是齊公子
小步翻成潘玉兒想見紅蕖浮水日便爲白躡涉波時
老夫不費荷錢買高踞牀頭一朵頤

藝堂中丞以荷葉餅對蓮蓬蹄其語甚工衍之爲

詩

老來無齒似張蒼肉味如何尙未忘荷葉餅雖難飽啖

蓮蓬蹄幸得親嘗幾家贖鼎功殊遜

假冒甚多

片刻仙厨候

最忙

過午不售

攜得曾孫來共飯含飴還有藕絲糖

甯波有之

謝中丞饋食物

病卧經旬體轉虛欣承嘉惠到蓬廬免教曹餼食無肉

要使馮驩歌有魚更喜清香騰餅餌可知珍
既過瓊瑤
衰翁勉爲披衣起捫腹幡然一飽餘

郎亭從常熟歸饋燕來笥

君自虞山買棹歸攜來春笥數枝肥爲言掘土辨龍出
正值銜泥梁燕飛簇簇千株新玉粲喙喙一隊舊烏衣
笑他旅雁秋來返只帶紅黃媚夕暉

秋色中有名雁
來紅雁來黃者

病懷

年衰又與病魔逢病骨支離事事慵四體未完牀褥債
三餐便當几筵供晨光喜捲窗閒慢夜漏愁聽案上鐘
更苦兼旬不巾櫛鏡中短髮似飛蓬

高卧真堪避俗氛，尚嫌筆硯未能焚。病夫雖已送迎廢，
熟客依然來往勤。鄉里小開童稚塾，郊原頻展故人墳。
皆近事更憐孝女嬰兒子，何日幽光得上聞。
時爲同邑徐孝女請旌部

至

爛漫園林花幾枝，今年開否未曾知。寄來遠信教人讀，
嘗到嘉肴問孰貽。憂亂怕談遼左事，消閒愛誦劍南詩。
奄奄一病真堪笑，兩過歐洲禮拜期。

連日孱癯費按摩，而今已算赴沈疴。幾篇洋板新平話，
一只胡牀舊養和。飯不湯澆難下咽，詩非筆授易傳訛。
硜硜猶執廢醫論，懶擲金錢聘華陀。

效放翁幽居述事四首

休言一病太淹淹轉覺詩情分外添揮塵衝開蚊聚市

搥牀打斷鼠求籤

鼠唧唧作聲俗謂之求籤

盤中燕筍條條嫩

郎亭饋燕

來筍筐內鴉梨箇箇甜

花農自京師寄鴉兒梨

我本無心著游屐不

妨鎮日雨廉纖

起來時暫卧時常懶惰真成養病方合眼苦調臍下息

搔頭快削鬢邊霜

不鬢頭幾一月矣今勉一鬢之

詩成草稿都藏腹容

到茶湯卽在房最是東牀賢大守有時一日再登堂

子原

適守蘇州時來問疾

不須頻問恙如何九十韶光強半過欲便宵眠安虎子

怕驚曉夢避鸚哥，樓花東國移來晚。茹菜西湖采到多。

一朵牡丹盤盃大小園，春色未蹉跎。

園中牡丹因失澆灌只開數朵一紫

色者甚大兒曹聚觀或云加盤或云加盃

問卜求醫在費錢，不如高卧轉怡然。光陰病過重三節。

筋骨傷須百廿天。

諺云傷筋動骨一百廿日

書室定封蠹戶網，佛龕

久斷鳴爐煙。只餘筆底花仍在，日日吟詩月月鐫。

沈子梅觀察奉 命恭送

皇太后御容至美國賦此送之

海棧駕矇矓，雲山路萬重。願來仙絳節，送去佛金容。

鶴鷺班嚴格，魚龍氣肅雍。待君歸絕域，再話壯游蹤。

許愚山同年劬月種梅圖其曾孫金樞乞題爲賦

此篇

自叨 恩榜甲辰科六十年來荏苒過去歲秋闈逢癸

卯鹿鳴宴上再婆婆羅吏飛章同入告海內張周存二

老江西南張午橋牽連賤子得三人昔日月宮今又到張

周二老竟山邱兩君皆未及碩果孤存我亦愁誰料事

徵丁卯集又教人憶甲辰秋茂長後人居歛滿高貨萬

萬輕千戶金坑銅山一旦空事見右台仙館清風留到

君曾祖君家曾祖我同年與我同登鄉飲筵未容金榜

題羅隱竟惜青氈老鄭虔山中一築歸眞室文彩風流

都歟絕惟臘梅花明月圖尙存蓮社高僧筆

蓮溪上人
所畫先

生攜此客長安讀畫題詩盡達官幾人嘗舊傳中見

朱謂

久香下頌
臣諸公

幾輩同年錄裏看

碑泚生杜通衢
皆甲辰同年

劫餘圖書

欣無恙滿幅琳瑯人共賞并教婦豎亦驚誇某某狀元

某宰相

謂徐蔭軒翁叔
平徐頌閣諸公

重孫珍惜比圖球乞我題詩在

上頭榜下當年雖隔面圖中此日儼同游感事懷人

振觸爲君寫入雲萍錄尙期勉紹舊清芬無負梅花千

樹玉

江右女史張蕊仙佩蘭至吳求見投詩四首余和

其三以謝之

八十四翁行就木虛名浪竊本非真曲園不是隨園叟
莫誤金釵作贅人

何意紅闈亦好名門牆爭願拜先生當年力謝劉三妹

此志硜硜未敢更

江北劉古香女史願為女弟子余謝却之

平生何敢望荊州一見元非萬戶侯願作玉臺新詠序
慰君積想十春秋

女史自言慕余名十載矣求序其詩余不敢辭

藝棠中丞親來問疾賦謝

幾度書來問起居今朝命駕到吾廬塵埃陋室邀同坐
癡小曾孫送上車投遞詩無奴便了

連日有詩因寓中
人少未克送去

流傳稿有女相如

案頭適有江右張女
史詩稿公欣然取觀

自憐衰病兼旬

久好藉清風一掃除

中丞攜僧寶問讀何書戲摺紙作斗形賜之期望甚厚再謝以詩

天下人才藉此量從來斗柄屬文昌爲憐綺歲六齡弱特剪羅紋二寸強欲示三隅先一舉能周四角卽中央其形如此只愁莫副公期望大學纔完第七章

病中有悟歌以紀之

嗟我一病將一月至今腰腳孱無力地雖咫尺不能行身必憑依方可立徒勞虎骨與熊油膏藥名竟似蜂腰兼

鶴膝如何夢裏轉康強絕迹飛行疑有翼矯健幾與猿

揉爭奔馳并可驪駒及嗟我兩目殊麻茶今當病後尤
增加安得金篦淨刮膜那堪銀海常生花借光空架車
渠鏡糊目如封雲母紗如何夢裏轉清澈雙瞳明淨無
纖瑕蠅頭竟可細字寫蝸角不被輕塵遮執此兩端還
自問叩寂求音莫能應跛者能履眇能視易象寓言非
可信晝夜未嘗判兩人夢覺何緣分二境罔象求珠真
可期偃僂登高靡弗勝豈真字警爲伯明無乃化尻以
輪運香山居士爲我言是爲形病神不病本香山詩意嘗聞
天地有壞時西傾東陷誰能支獨留者箇終不壞歷千
萬劫常如斯佛經有云天地壞者箇不壞始悟形骸乃外物惟此真

詩二十一
三
我無人知鏡花水月有實際天清地曠無窮期我斯未
信見偶及狂歌忽發人毋嗤歌成太息還就枕目昏足
弱孫扶持

詠牡丹七言八韻二首禁用牡丹故實并國色天
香富貴等字

東皇降勅領羣芳花國中稱南面王獨占繁華春世界
自成官樣大排當含苞未吐爭探信重幔猶遮已覺香
舊住玉樓李長吉新封金屋郭汾陽憑他濃淡皆尤物
洵是神仙又艷妝蕭寺有時偏爛漫名園無此不風光
癡蜂醉蝶經旬鬧寶馬香車逐隊忙我本郊寒兼島瘦

也將錦繡換吟腸

羣芳譜內試評論艷李穠桃孰與倫香盛能聞千步遠
開遲全領十分春尊榮不比齊王假絢爛翻嫌石尉貧
品望高華無伯仲文章飽滿有精神五雲樓閣居仙子
七寶莊嚴現佛身但覺魏公偏嫵媚須知開府本清新
玉牌題處長留種金剪分來徧贈人莫惜紅顏易黃土
白描聊復一傳真

胡效山觀察俊章收藏鄉會試題名錄會試及順
天鄉試自道光元年始各直省鄉試自咸豐元年
始亦本朝一大掌故也余聞而美之爲此歌以

張之

聖清二百六十年惟憑科舉羅英賢文章八股有程式

功令三場無變遷康熙初年廢八股旋廢旋興卯到午

康熙癸卯甲辰及丙午丁未兩科鄉會試均廢美哉康

熙庚戌科文貞清獻俱千古庚戌復八股人才極盛李

乾隆 天子天聰明謂詩可以觀人情遂教官燭三

條下添出承平雅頌聲乾隆二十一年詔於二場加五

於頭本朝事事超唐宋最是科場得人眾隨陸能武灌

絳文不是解麟便威鳳卽從近世論人材嘉道咸同總

有才試問中興曾左李何人不自此中來所惜年逾二

百六未必大名皆卓犖國學雖刊進士碑鄉閭只刻同年錄幾家能紹舊門楣幾輩門衰祚亦衰當日空題天上榜此時誰訪墓頭碑安定先生深念此年年蒐輯題

名紙迢遙遠溯道光初秋榜舉人春進士兩世相承談

與遷君尊人牧卿先生創為此君踵成之網羅放失意拳拳不使姓名訛

李詡明末舉人杞縣李信與潁州人李詡名字傳訛余曾辨之見壺東漫錄及右台仙館筆記何難

籍貫辨張銓明萬曆甲辰進士有兩張銓一大名人一沁水人俱正月二十六日生子女皆同

當時荷賣徧都市更有何人珍視此亦如歐九省元賦

一紙兩文錢而已如今積少竟成多哀然七十有餘科

遂使麻沙舊雕本儼如魯鼓與柸戈南宋流傳紹興榜

中有紫陽人共仰誰知徐履殿蓬山竟與文公共天壤

紹興十八年榜朱子第五甲九十一名進士徐履温州遂安人因秦檜欲娶以女廷對不答一字故附五甲之末

亦偉人也事見國朝葉名禮橋西襍記若非小錄至今存姓氏沈埋不復

論莫道此中惟黠鬼須知所在有傳人我聞唐代詩人

杜杜荀鶴又聞宋代平章呂呂夷簡偶然試卷留人間不啻

圖書出天府何況莊嚴千佛經其人雖往姓名馨上為

柱史收遺逸下可鄉閭備典型近來橫議爭相炫春會

秋鄉終不變時論幾將科舉更 朝廷仍重衡文選先

生辛苦費搜求鐵網珊瑚一概收自愧俞錢門望薄姓

名四世荷存留

余前作禁體牡丹詩和者頗眾今續得一章并前
而三矣用清平舊例三而不四

爲憐濃豔儘徘徊八寶欄邊日幾回每到午時偏極盛
未交辰月不輕開奪將萬紫千紅幟脫盡庸脂俗粉胎
妙有葉堪充幕帟更無花敢恥輿臺滿堂金玉王侯第
五色絲綸館閣才蜀國美人綃帳卧太原公子褐裘來
句留名土香三日破費豪家酒百杯見說喬柯能出屋
兒孫世世好栽培

立夏後一日子原餉鱒魚

薰風昨日到庭除正是江鮮上市初不惜籠中失么鳳

蓄有兩翠鳥 且欣盤內得頭魚 登筵未剔鱗 閒甲下箸
前兩日失之 先嘗腹內腴 多感殷勤推食意 分來強半勝王餘

送丁次軒太守之棧歸武清

西臺清望十年長 五馬南來鬢已蒼 却喜名區莅峯柳
方期先德紹 龔黃君先德諱浚字禹川官廣東新興縣 游蹤忽忽桑三宿
歸路蕭蕭柳幾行 極欲與君商出處 自憐病榻太郎當

安徽學使紹岑學士毓隆傳電問疾賦謝

皖公山畔駐輶車 紫電傳來問起居 借重天邊神列缺
垂詢吳下病相如 食眠頗覺都無恙 腰脚難期更復初
為報故人堪一笑 踞牀見客卧觀書

臨平鄉人得一龜一身而兩首周子雲孝廉紀之
以詩錄以示余因亦同作

吾聞龜之爲物非一族詭狀殊形不勝錄其尾可一而
可十其目或四而或六甚或附之以兩翼又或倍之爲
八足惟首止一從無二天之生是固使獨不圖臨平鄉
乃有雙頭龜一腔而二首大小無參差伸則俱伸縮俱
縮一首倡之一首隨投之以食則皆食并有四目炯炯
俱來窺噫嘻乎異哉兩頭之蛇草際行踐踞九頭之鳥
空際鳴啞啞見之聞之驚且疑此龜兩頭無乃亦一奇
周子作詩紀其事我爲周子考傳記宋大觀中曾得兩

頭龜都水使者趙彞獻之以爲瑞云得此於黃河中一時紛紛起廷議有詔棄之金明池綠波清水聽游戲可知此物世固有雖不爲瑞亦非異譬如荷池開並頭又如麥隴成雙穗在人且有比肩民區區一龜渺乎細君不見翠山鷓鴣首有二彭水鱈魚首有四又不見三身之國一首而三身三首之國三頭而一體天地之間固有異種物亦有異類漢儒災異之說不足陳宋儒格致之學亦徒費獨愾我非博物張茂先乃有元緒來吾前不勞東坡先生授我龜冠法且爲南華真經補入駢拇篇

或言鱖魚宜先以醬厚塗鱗甲而後蒸之味較勝
余試用其法分半餉子原而先以詩

銀鱗登市已尋常新法傳來食憲章魚以及時思白獻
醬如不得豈爲良從前覆瓿非無用此後烹鮮別有方
却笑桃花潭上客題糕膽小等劉郎

能亭得此法而未
敢試故戲云然

書無錫華氏所藏明敕後

明華節愍公允誠字鳳超以東林黨人死國難亦君
子人也官工部時爲其父復吉請封承德郎母秦氏
請封太安人至今誥軸猶在其裔孫子隨乞題

明亡於崇禎實亡於天啟駕帖走四方奉行厥公旨是

時王言何足珍不惟其物惟其人偉哉節愍公大節無
淄磷處則爲孝子出則爲忠臣起家官工部敕命榮其
親藏弃三百載楮墨猶如新楚弓旣失而復得冥冥阿
護疑有神我聞唐宋諸敕命不過鈐用吏部印改用御
寶始明時丹篆輝煌大數寸又聞詞臣撰誥命始於
本朝康熙初前明草草付掾吏內制未足追歐蘇要之
其人足千古此敕人間爭快觀不必如朱巨川誥借重
顏平原猶勝於張九齡誥連名李林甫

朝鮮國人崔曉林

時榮

投詩求見余辭以疾次韻

奉酬

何來萍水三韓客欲結萱蘇一日歡輕泛仙槎辭故國
重裝詩卷壓狂瀾流連勝蹟悲今古涉歷長途耐暑寒
媿我積唐難出見未能共話海天寬

藝棠中丞撫吳三載余以世好得與周旋今奉

恩綸移權漕節臨歧戀戀不能無言輒賦八章以代騷
唱

家世金張重上都頻年霽月照姑蘇吳中襟袖留詩本
江上旌旗換漕艫虎節頒來尊督部驪歌唱處徧鄉閭
誰知父老謳思外更有乾坤一腐儒

少時僥倖到羅天豈意追隨有大賢

余十七歲中式副榜忝與相國文靖

公同 當日龍豬身隔絕此時羔雁世周旋謬勞折節雖

非分許共題襟亦是緣何況竹林看後起吾孫又得附

同年 余孫陸雲與公從子節樓編修為戊戌同年

馬醫狹巷一條長屢見高軒過草堂坐上衣冠皆脫略

門前旌旆自飛揚春盤草草殊堪飽病榻依依最不忘

徑因問疾親至余臥室 攜到曾孫纔六歲荷衣也許拜公旁 公每來曾

孫僧寶必出見

騎卒傳箋不憚勞豈惟詩句互推敲有時願到楊家果

幾度分來段相庖 時贈珍果美饌 大字經書使幼讀 以大字木

讀小裁衣袂稱兒姪 又製衣帽賜僧寶 聚珍聞有新鉛版更喜

吟箋可代鈔

秋風鼓瑟又吹笙去歲重叨賦鹿鳴愧以衰頽陪後進
忽看光彩照前榮筆飛墨舞楫閒字主獻賓酬席上情
早使吳儂驚盛事一時傳徧闔閭城

去歲余重宴鹿鳴
公製扁見贈是日

羣公咸集極
一時之盛

吾孫七載忝清班南北舟車數往還未忍桑榆拋白髮
又難松菊戀青山高低籬鷄都休問進退藩羝大是艱
每荷殷殷詢出處雲泥雖隔總相關

千里長淮鼓吹喧此行何計更攀轅官居陶侃八州督
家有香山五畝園白石赤欄橋畧約紅葉翠蓋水潺湲

無邊風景天留取留取喬林待鳳鶴

署中故有清宴園
陳小石中丞改爲

留園風景甚佳綠
水紅葉夏日尤勝

自顧積唐八十翁雲龍角逐那能同仍思擁篲迎吳下
更盼移旌到浙中孔李長尋先世好韋平遠紹舊家風
臨歧無限依依意豈僅新詩付竹筒

讀元人襍劇

喬

孟馬遠關漢王甫

各擅長須知襍劇卽文章流傳百

種元人曲抵得明時十八房

臧晉叔云元時取士有填
詞科主司出題日限曲調

及韻取辦於風簷寸晷之中故至第四折雖喬孟
符馬致遠亦成強弩之末余讀之頗以其言爲信

何處傳來委巷言儘堪袍笏演梨園蔡邕竟是漢丞相

柳永居然宋狀元

元人王粲登樓劇稱蔡中郎爲丞相又關漢卿謝天香劇謂柳耆卿狀元

及第真戲劇師也

張千李萬本非眞日日登場不厭頻兵怪輕浮兩年少

一胡一柳究何人

劇中凡官府祇候人皆曰張千李萬皆寓名也惟有二人則曰胡子張子

兩浮浪子弟曰柳隆卿曰胡子傳既見於崔府君斷冤家債主劇又見於楊氏女殺狗勸夫劇又見於東堂老勸破家子弟劇似非寓名不知何以相傳有此二人也胡子傳或作胡子轉蓋由傳刻之訛

嘯聚梁山卅六人至今婦豎望如神何來孔目李榮祖

大可遺聞補癸辛

宋江等三十六人詳見癸辛雜記乃元人李致遠風雨還牢未禱劇有東

平府都孔目李榮祖亦梁山頭目癸辛雜記所無也余意此卽禱識中之李英傳聞異辭少一祖字而榮英聲近遂誤李榮爲李英今水滸傳作李應則又李英之誤也

狙覩狐獾各鬪工新奇頗足眩兒童王蟬老祖桃花女

都入彈詞演義中

鬼谷子姓王名蟬見馬陵道祿劇乃悟彈詞中有王蟬老祖卽此人也

桃花女鬪法嫁周公劇尤爲怪誕不知所本明人西游演議以桃花女先生鬼谷子先生並稱明時猶傳有此語

八洞神仙本渺茫流傳曹伯與韓湘徐神翁已無人識

何處飛來張四郎

谷子敬城南柳劇入仙有徐神翁無何仙姑范子安竹葉舟劇有何仙姑

無曹國舅獨岳伯川鐵拐李劇有張四郎無何仙姑不知張四郎何人也

豈果蓬山有祕函仙蹤踏駁甚於凡那鄆兩度黃梁夢

一是虛生一呂巖

卽卽呂翁尙在純陽之前此事人多知之乃元馬致遠黃梁夢祿劇竟謂

是鍾離度純陽事夢境不同又不言有枕此非不知有虛生事蓋因虛生事而謂純陽亦然疑元時別有此一

也說

秋胡妻死千年後更付何人知姓名今日始知羅氏女

閨中小字喚梅英

石君寶秋胡戲妻襟劇載具妻始名曰羅梅英不知何所木也

連環計定錦雲堂演義還輸襟劇詳木耳村中尋艷跡

可能訪取任紅昌

貂蟬連環計三國演義中事也乃元人錦雲堂連環計襟劇并載貂蟬爲

木耳付任昂之女木名紅昌因選入漢宮掌貂蟬冠故名貂蟬此則并非演義所知矣

流落文姬塞上箏曾傳有妹嫁羊家誰知更有王郎婦

留得香名是桂花

蔡中郎之女文姬人所知也羊祐之母亦中郎之女知者已罕乃續元人王

蔡登樓襟劇則中郎又有女名桂花嫁王仲宣亦言詞俗說也

琵琶女子姓名無未可娟娟好好呼元道相逢不相識

何曾知有李興奴

香山琵琶行偶然寄託元馬致遠作青衫淚襟劇杜撰姓名曰李興奴謂

是樂天長安舊識
真瘧人說夢矣

買臣當日困塗泥最苦家中婦勃谿何意忽翻羞冢案

居然不媿樂羊妻

元人風雪漁樵記言買臣妻之求去乃故激勵之以成其名又陰資助之

以成其行故其後仍完聚如初不知何意忽翻此案也

素口蠻腰妝點工當年曾伴樂天翁不圖演入梅香劇

白樂天爲白敏中

小蠻樊素爲香山姬侍人所共知也乃元人鄭德輝傷梅香雜劇以小蠻

爲裴晉公之女嫁白敏中樊素其婢也不知何據

宋史唐書總不收何萊故事儘風流御園如子尋金彈

相府嬌兒拋繡球

元人陳琳抱妝盒雜劇言宋眞宗於三月十五日在御園向東南方打金

彈使宮如往尋之得者御有子此不知出何書又梧桐葉雜劇言繡球打中武狀元

然則彈詞小說所言
綵樓招親亦有本也

踏青拾翠儘游行樂隨時總有名見說重三修禊日

當時也喚作清明

元李文蔚燕青博魚雜劇云清明三
月三重陽九月九又云三月三清明

令節同樂院前王孫士女好不華盛疑
當時流俗相傳上已清明并爲一節也

仕宦原同傀儡棚棚中關節逐時更偶然留得排衙樣

人馬平安喏一聲

元雜劇每包龍圖出場必有張千先
上排衙云喏本衙人馬平安他官亦

多如此想必宋元
時排衙舊式也

小兒孛老各登場名目於今半未詳喜看徠兒最伶俐

怕逢那老太強梁

元雜劇中老婦謂之小兒老夫謂之
孛老兒童謂之徠兒盜賊謂之那老

此等腳色
與今絕異

尋常稱謂頗離奇數百年來盡改移夫豈小郎偏大嫂

奴雖老僕亦孩兒

各劇中凡夫稱其妻皆曰大嫂至奴之於主必稱孩兒如桃花女劇彭祖

年已六十九然於其主周公仍稱孩兒也

舊本流傳校勘精偶拈奇字辨形聲銅鏹音官府頒來

重紙鏹

音

兒童蹠去輕

包龍圖銅鏹鏹劇中屢見鏹即鏹字而喬孟符金錢記劇則音

茶殆因一聲之轉隨文而異讀也鏹子見馬致遠薦

福碑劇據帝京景物略字本作鏹此字從金從皮從毛

字書不載乃當時俗體也絕代才華洪昉思長生一曲擅當時誰知天淡雲閒句

偷取元人粉蝶兒

洪昉思長生殿小宴劇中天淡雲閒一曲膾炙人口今讀元人馬仁甫秋

夜梧桐雨雜劇有粉蝶兒曲與此正同但字句有小異耳乃知其襲元人之舊也

讀金淮生武祥陶廬絕句率以六絕句於其後

生初回潮道光時六十年來幾局

以此先生廿年長

一生長誦兔爰詩

先生於道光辛丑年生世變從此起矣余生於辛巳較長廿年詩所謂我

生之初尙無爲我生之後遂此百罹也

大千世界不虛懸竟可乘舟到月邊我意一千年以後

井通金水兩重天

先生詩云果使眾星成世界可能都作月官游余亦有此說謂不特可到

月中并金星水星亦可到也

有詩載春在堂詩編十五

紛紅駭綠滿籬東不在泉明賞鑒中是桂是蘭都一例

今人不與古人同

先生詩云駭綠紛紅翻近俗有誰古意賞東籬余謂不獨菊花也今之桂

非古之桂今之蘭非古之蘭

制詔獨除八股文源流討論尙殷殷老夫不自程材力

八百年來殿一軍

先生刻黃許馮三先生時文并詳論常州一郡制藝名家有抱殘守缺之意

余曾作四書義二十篇亦頗自負未識八百年時文所以此殿之否今考奉一卷祈明眼人鑒之

移家欲向西湖住山色湖光自可人媿我湖山緣已盡

俞樓俞舫總生塵

先生詩云細數平生舊游處移家只合住西湖余頻年不到西湖湖山緣

盡矣深愧斯言

歲除莫作百齡會秋仲須燒八字香倘使叢鈔能至六

零星故事好收藏

先生云除夕合計一家年齒如明歲有三人合成百歲宜使一人避之否

則三人中有一不利又云八月八日赴入寺燒香來生可得好八字余茶香室叢鈔至五鈔而止若作六鈔此

等零星瑣事皆可收入也

窮秀才語

窮秀才吉事凶事無不來非親非故誰招徠無名無姓
羣疑猜叩首叩首人不回從而酬之錢百枚有客爲我
言此亦三學中一士

蘇州有長洲元和吳縣三學

不知何年青其衿

遂隸學官充弟子以一秀字目儒流以一窮字騙鄉里
天幸腰腳耐奔波終日踉蹌走城市不論喪祭與冠昏
不問張王與趙李方干三拜意云何阮孚百錢斯足矣
嗚呼齊人乞食來坼問當時妾婦猶羞顏何意衣冠潦
倒一至此不如呼庚呼癸登首山重爲告曰陶靖節腰
竟爲五斗折程不識名井不一文值勿言一哥五秀戶

籍向來殊須知十句九儒流品本無別

京輓歌

余婿許子原知蘇州府奉檄督辦京輓爲此歌詒之

宮殿用輓取之蘇其事始於永樂初欲議明時製輓法

請觀張氏造輓圖

明人張門之
有道輓圖式

長洲縣前鳴大鼓傳齊

六十三窰戶窰戶家家有祖傳未議造輓先取土取土

務於陸墓旁餘雖有土非爲良萬夫畚捐運而至其色

糜爛如金黃椎之春之欲其細澄而漉之細且膩七轉

得土六轉泥搏土成泥洿非易乃以石輪碾使平又以

木掌摩輕輕避風避日置陰室凡閱八月而坯成坯成

入窰懼其裂先以糠草薰一月片柴探柴次第燒燒到
松柴功乃畢窰戶隨時謹護持文火武火無參差十有
三旬火候足方是丹成九九時窰水出窰白如玉四旁
背面無斑駁不中程式悉從捐大率十中取五六蘇州
太守吾東牀正造京甌進上方物勒工名垂後世此歌

願子細端詳

凡京甌皆刻蘇州知府銜名

詠留聲機器

明人彭天錫串戲妙天下每串一齣戲足值千金價有
客憶夢游張岱著夢憶一卷爲之大歎吒彩雲頃刻散好花容
易謝安得縫錦囊抑或製錦袍將此緊包裹不使漏孔

鱗悲歎與離台嘻笑與怒罵一一皆存留久久不消化

持贈後之八千秋長鱗炙

以上並夢憶之說

此特戲語耳戲語

固非真乃今有奇製出自西洋人竟能留其聲不啻傳其神其下有機器獸運如陶鈞其上有若盤旋轉如風輪一鍼走盤中入扣絲絲勻如螺盤屈曲如蟻行逡巡聲卽從此發莫測其何因老夫坐而聽須臾聲屢變關大王單刀楊太真小宴慷慨秦瓊歌嗚咽寶娥怨不知誰按歌竟未與覲面旣非聲傳風

西人有德律風能傳言極

又非報

走電煩疑彭天錫尙於此中潛

慈

雖得聞其聲其人

固難見吾知夢憶翁於此猶未饜

章一山棧連捷南宮傳電至滬因電報書無棧字
借用侵字釋者又臆改爲候字傳者又誤書作依
字余固不知也書來詳述喜賦此詩

淡墨標題姓氏香南中傳寫誤偏旁桓謙竟至訛爲謹

晉安帝紀桓謙蔡抗須知本是杭蘇元定之孫名杭誰

孫恩傳作桓謹謂高才無遇合卻於吾道有輝光宋史有傳誤作抗誰

偶乃吾道將來考索如重訂應改山堂作玉堂余不知其已捷寄書

之未光效山觀察述一夢甚奇效山非妄請者代記以詩

安定先生壇坫開門牆高第半三台君在京師從游甚

即其一也不圖一覺游仙夢收到門生女秀才長生堂上人承台大宗伯鴻公

續次左右分排筵各四一人專席坐南方桃李春風

主試

夢至一處額曰長生堂面南設八坐分左右兩列君居右列第二面北一坐則主是試者也

不

試郎君試女兒不論文字只論詩好憑庚鮑清新句自

寫姬姜憔悴姿

所試皆屬閒負才優窈女子如何赴試則不知也

分到先生剛

七卷一卷真然登首選二十八字盡珠璣五十六人推

弁冕

君定一卷為第一止七箱一首主試者總閱亦置第一

卷面人人署願留紅

塵何事不回頭待將凡世黃金屋換去仙家白玉樓

卷面

署願留二字蓋願留人世也

不署願留者則有閱卷之人先生此夢真堪詫我謂先

生言不假異時儻過易遷宮眷女如雲拜秋駕只惜名

籤不井呈

書名於籤籤皆揭去

不容人議許飛瓊君家空輯題名

錄難向珠宮問姓名君收藏累朝題名錄甚富方今功令廢詩賦不
圖天上還如故願爲碧落侍郎官再賞青峰江上句

次韻酬易實甫觀察

廿年詞賦識相如歲月滔滔信不居多筋頰來五嶺地
龍州留得一編書君著有龍州襟衮諸公辛苦中興日羣盜縱
橫轉戰餘柳下北宮都已矣用君詩意不禁爲子更長歎

次韻酬魯幼峯太守

一麾五馬久專城琴鶴歸來行李輕江右長官新德政
吳中游客舊詩名雪泥莫認重重跡香火彌增惓惓情
愧我病餘空握手未將杯酒勸公榮

自顧原非松柏姿，虛煩公等祝期頤。
偶邀白髮門生坐，亦倩青衣小婢隨。
余病中見客有小婢侍側，見君亦然。
多謝殷勤詢老病，不辭稠疊和新詩。
未知傳壻留佳視，珍重瓊瑤究付誰。
君爲女公子相敬未定。

鮑亭以馬鈴瓜十枚賜僧寶賦謝

天馬來西域，瓊琅一串鈴。
摘從造父手，拋向故侯籬。
鐃名難借瓊琬價，倍增兒童承寵貺。
兼以勗飛騰。

問吳下紫陽書院廢詩以歎之

昔時吳下寄琴罇，一再春風講席溫。

余於同治初主講二年。白髮

門生猶有在。

錢君乙生年已七十。

紫陽書院竟無存，百年喬木今

蕭瑟兩地名山舊弟昆

時余與孫琴西同年分主
蘇杭兩紫陽今皆廢矣小小

雪泥留不得那堪天上問巢痕

反正體詩

章一山庶常出新意集篆文反正如一之字爲詩余
歎曰方今之世士不復知有說文矣此可嘉也因用
其體賦七言八韻

一開靈臺無望牽空林只索扶蘭荃竹中巾几三庚爽
室內交閭二酉全杳杳亭皋齊入回菁菁卉木闔生泉
高齋典冊由來古小品文章亦自圓常要美甘留舌本
未容朱墨累丹田森開營壘黃山谷曲合宮商白樂天

上策莫非宗賈董英丰大率帶幽燕艸堂巖缶因肯具
茶苦薑辛不喜犇

又七律二首

密室工夫善自閑丹青圖畫尙斑斑美丰一半東南竹
同輩無非大小山甘苦文章矣莫賞崇高富貴不容泐
峯而杲杲峯而雨酋告吾曹早開關

兩三竿竹亦森森乘興突當共入林丰小自甘登下品
女工尙苦帶商音五車美富皇王典一曲幽閑太古琴
亭午炎炎申西爽不需累日雨雨霖

常因合坐共商量黨異宗同兩不當小品尙容登米芾

大才未必困王章山中幽艸生空谷天上高文貢玉堂
莫向竝皆問行輩本來非宋亦非唐

昔由丁士登黃甲未入高齋扶白申子美尙畱山上笠
林宗不舍雨中巾大開竹里天百幕小坐茆亭艸當茵
晉鼎只容吾自玉爾來言行益閭閻

從孫同奎自印度錫蘭島佛廟買得貝多葉一片
兩面有梵字經文甚密不可讀姑紀以詩

從孫遠至錫蘭島見說曾由佛國過喜有奇文出蘭若
惜難異種辨梨羅三婆力已分根少一瓣司宜索價多
我道是皮非是葉試詢海客意云何

貝多有三種多梨
多羅用其葉部婆

用其皮聞葉有廣五寸者余舊所藏及此次同奎所寄皆只廣寸許疑其皮也同奎以其錢一辨司得之不知幾何

吳下浙江會館落成同鄉諸君請署堂名欲見浙

江全省會聚於此之義余名曰有宜堂而紀以詩

三 江流曲似之右之有與左之宜新營高館長春巷

其名 本取嘉名小雅詩可許美談登志乘惜無健筆壯

楹楣 余病不能書汪 寓廬咫尺真相近長願留傳共樂

知 余寓大廳署曰樂 知堂彭剛直所書

和日本人詩二首

梧桐葉落乍涼天多病衰翁晝亦眠正喜門前無俗客

忽驚海外有詩仙先生自昔稱披褐居士於今署樂全

鄰父酒錢如許借遙知一醉又陶然

君有句云好拜鄰翁乞酒錢

右和萊川炳文

高風陶靖節韻事陸天隨不惜辭官早惟愁得句遲烹

茶攜碧豎侑酒倩紅兒爲戀花間好流傳五字詩

君詩遲字

韻云歸爲戀花遲余甚賞之

右和櫻井勉

謝子原餉哈什馬

老慕飛上天偷喫天邊月吳剛揮巨斧慕驚走還穴無
何腹彭亨其中乃有物吸得月之魂孕出月之魂金刀

剖其腹瑩然一片白熊白自言珍象白亦不劣何圖此
么麼乃竟與之埒衛碩人膚脂藐姑射肌雪瓏髓遜晶
瑩鵝肪輪滑笏粵人貴錦襖大可一笑啞果能中韞玉
何害外披褐憂釜淪作羹風味乃全別白逾如子乳軟
過西施舌毒不愁鯨鮓鮮更勝鬢胡昔年客津門記曾
一流獸老病臥吳中又得快哺啜聞自關外來道路劇
遼闊其名哈什馬音義苦難譯食譜固弗收本草亦未
列古稱蟾蜍肪塗刀玉可切得毋卽此物居然充肴核
老夫老無齒喜此不待齧徐偃王無筋趙飛燕無骨多
謝賢東牀慰我老鬢餐免勞婦豎輩祝鯁又祝噎

詠五霸

五霸之說不一而近人皆宗服杜之說以齊桓晉文宋襄秦穆楚莊爲五霸然成二年左傳載齊國佐之言曰以四王五霸對舉是時距楚莊之卒止二年耳豈當遽列於五霸乎孟子曰五霸者三王之罪人也然則五霸自當合三代而言趙岐注孟子以夏昆吾商大彭豕韋周齊桓晉文爲五霸其說甚是乃愚於豕韋竊有疑焉國語鄭語載史伯之言曰大彭豕韋爲商伯矣此趙注所本乃史伯又言豕韋彭姓而左傳范宣子言自虞以上爲陶唐氏在夏爲御龍氏在

商爲豕韋氏是商之豕韋氏乃陶唐氏之後而非彭
姓也彭姓之豕韋氏已爲湯所滅矣詩曰韋顧旣伐
昆吾夏桀鄭箋以韋爲豕韋氏是豕韋大彭並夏時
諸侯至夏之亡也與桀俱亡矣商之豕韋劉姓非彭
姓也史伯不辨乎此尙以爲是彭姓之豕韋與大彭
同爲商伯不亦疏乎與其信外傳不如信內傳故以
豕韋爲商伯愚不信也夏昆吾商大彭周齊桓晉文
霸者凡四欲求其一以足五霸之數其周之共伯和
乎汲冢紀年云厲王十二年出奔彘十三年共伯和
攝行天子事呂氏春秋曰共伯和修其行好賢仁周

厲之難天子曠絕而諸侯皆來歸矣是其伯和在當
日固受諸侯之朝行天子之事霸業赫然可觀或且
駕齊桓晉文而上之列於五霸豈有惡乎故吾詠五
霸主三代言黜豕韋進其伯以成趙岐之說

五霸無定名論者人人異若秦穆楚莊豈足伸大義碌
碌如宋襄霸風更掃地竊嘗綜古今一一考傳記其工
霸九州遐哉可勿計

在三代前
故不列

有夏昆吾一有殷大彭

二周齊桓晉文合之已有四請更求其一而使五霸備
編昔周中衰後幽前則厲厲王流於彘天子已虛位爰
有其伯和出而承其弊修德行仁政一時蒙樂利巖巖

其頭山同軌無弗至獄訟於此聽朝覲於此莅一十有四年攝行天子事既非羿稟輩窺竊到神器又非徐偃王始興而終替以此備一霸誰敢奪其幟上紹昆與彭下則桓文繼是謂古五霸千秋此定議

詠十亂

武王曰予有亂臣十人十人何人無明文也馬注襍舉周公召公等九人殆不足據至十人中有婦人孔子之言在當時必實有所指馬氏以爲文母後儒又改爲邑姜皆非也又或改作殷人膠鬲斯更謬矣愚嘗考之此婦人乃酈山女也史記載申侯之言曰昔

我先酈山之女爲戎胥軒妻以親故歸周保西垂西
垂和睦其有功於周可見漢書載張壽王之言酈山
女亦爲天子則其爲一時人傑可知矣周初寄以西
方管鑰始得致力中原厥功甚鉅列名十亂固其宜
也此論吾得之已久屢見吾文矣今又爲詩以張之
冀此論旣見吾文又見吾詩庶幾不泯於後世

武王稱十亂初不言何人襍舉望且輩未必皆其真中
有婦人一聖語必有因後儒私揣測擬議殊非倫太妣
與邑姜豈可儕諸臣或改作膠鬲金根誤爲銀吾生干
載下何處堪諮詢讀書偶得之啟發如有神緬惟酈山

女其始生於申嫁爲戎王婦非徒充嬪嬙實具雄武畧
君長其臣民因念先世來與周通婚姻力爲保西垂半
壁支乾坤周家起西土實與西戎鄰管鑰既有寄邊障
遂無塵專力注中原大會到孟津戎衣僅一著鹿臺焚
商辛若非鄆山女西顧愁昆岷是亦開國功豈嫌幘與
巾惜乎書有閒未見曾來賓宣尼不歎息奇跡幾沈淪
經生不讀史辨論徒斷斷吾論本史漢非苟求其新惟
願播此論勿使斯人泯更願起斯人長鎮西海濱

余病五閱月矣而頭目昏花腰腳軟弱如故只能
偃仰臥室之中每日午後使人舁至外齋小坐而

已漫賦一詩

葛布衣單竹倚輕

椅字古只作倚

兩人昇我出前榮
曾孫奉杖

爲先導小婢隨車在後行
陶令籃輿雖有例
謝公木屐

竟無聲孔家安國如相遇
八十四齡崔仲卿

崔仲卿年八十四歲

孔安國授以丹方遂得長生見葛洪神仙傳
余今年亦八十四矣故云然此孔安國乃仙人非傳尙書者也

魯幼宰太守因余贈詩有白髮門生之句刻一小

印曰曲園門下白髮門生亦韻事也爲賦一詩

如如居士太多情門下甘居走狗名

往年杭州驛防有如如老人者名鳳

瑞用青藤門下例刻一

小印曰曲園門下走狗不及黃堂賢太守自稱白髮老

門生卅年萍水回頭遠幾字芝泥照眼明
尚有吳中錢

貢父論年君合喚殷兄

余近有詩云白髮門生猶有在紫陽書院日無存謂錢乙生孝

廉也乙生今年已七十矣

藝棠漕帥賜寄僧寶油花一篋賦謝

餅餌之中得此稀居然劈理又分肌
條條渾似玉條脫縷縷儼成金縷衣
畧用鹽調鹹亦淡飽經油炙脆仍肥
曾孫癡小還知感遙望淮雲興欲飛

疊韻和日本櫻井君

海撥遙難附吟筇儼許隨雖殊中外朔未覺往來遲

東

之朔不同而與君往返唱和不一月而達

惜我年逾晝安能齒更兒異邦有

同志聊復和君詩

瘞鶴銘爲午橋中丞題

瘞鶴銘聚訟久矣自東觀餘論斷爲陶貞白至今無異論而或又疑有唐一代何以竟無一人道及乃余觀唐儲嗣宗和茅山高拾遺山中襍憶詩有巢鶴一首云千萬雲間丁令威殷勤仙骨莫先飛若逢茅氏傳消息貞白先生不久歸味其語意似知此銘爲貞白作故詩句云然儲嗣宗爲大中十三年進士則唐人已有此說矣午橋中丞以水拓本屬題爲賦此篇證成黃氏之說卽質之中丞

瘞鶴一銘無定論諸家聚訟始於歐遠之則爲王右軍

近之則爲皮日休或云顧況或王瓚白雲黃鶴同悠悠
自從東觀餘論出一言斷定陶貞白從此人人無異詞
華陽隱居卽真逸遂令明代張天如編輯陶文收此石
獨怪有唐諸名賢窮搜古蹟唐之前十鼓輦來岐山下
一碑尋到岫嶠巔何以此石在江左竟無片語今流傳
我乃遐稽徧唐代居然留有一詩在大中進士儲嗣宗
曾向華陽寄遙慨貞白先生不久歸珍重鶴巢宜自愛
若非得見此銘詞何以當年有此詩是真鐵鑄一佐證
大可贊成黃伯思前人未見我偶及試向匄齋一質之

匄齋爲中
丞別號

書明李忠肅公書札後

明季李忠肅粹然一完人官位雖顯達仕途多遭迤始而蹈黨禍幾與楊左鄰繼而肅軍政又爲勳貴曠屢起亦屢躓一死殉甲申 聖朝褒節義諡典頒 楓宸明

史立佳傳倪范同玠璘此書公手蹟疏淡含精勻

用蘇句

意氣固激烈語句亦酸辛二子死洪流

似爲闕黨偏追使然丙寅年專

乃天啟六年也

小婦化幽燐

有云城門一劫萬辱備嘗小婦以驚悸盡焉不知爲何人何事疑是

崇禎二三年間公以兵部侍郎守城發礮誤傷滿桂軍爲言官論列時也怛怛憂國事耿耿

念老親

公父廷諫時尙在

旣不具年歲名姓亦泯泯有人題紙

背始得垂干春

書末皆云名正具有人於紙背題識姓名尙隱約可辨

書致姚文

毅文毅亦名臣

文毅卽姚公希孟字孟長

并及文文肅

卽文公履孟字文起姚文

毅之

其情尤諄諄惟有一書中語涉溫體仁溫之去相

位姚已辭世塵語意旣鶻突考核殊難真

有一書言及

裂考溫罷相在崇禎十年姚文

毅已下世不知是致姚否也所貴公遺墨歷久猶如

新外孫王氏子

念曾字少侯

得之京城闔什襲遠貽我珍重

逾琳珉其書以人重是亦希世珍惜止存七葉餘者已

就湮籀石翁所見是否猶具陳安得好古者爲我重諮

詢舊爲錢籀石先生所藏先生并題記云寄姚文毅公札然今止存七葉觀紙背所記數知所闕者已多矣

自仲春一病遂成廢人約而計之有六廢焉各賦

一詩以寄三歎

春露秋霜未敢虛龍鍾無力拜罷能惟應不久歸泉壤
親向尊前問起居

右祭祀之禮廢

送迎成例竟難援高踞胡牀與客言強遣曾孫拜車下
憐渠未解賦高軒

客至或陞雲不在側
則命僧寶送之登輿

右賓客之禮廢

跌坐須臾便不支華陀禽戲竟安施虎熊猿鹿都無用
只學東坡一字隨

右導引之功廢

金經兩卷略能通老病全荒誦習功領取西來達摩意

語言文字一齊空

余曾注金剛經分二卷每日誦之今不能矣

右禪誦之功廢

病來足軟眼麻茶一室幽居小似蛙豈獨湖山緣分盡
不能再看曲園花

此余第十卷中詩句也病中以詩自占適得此句豈非識乎

右游覽之事廢

朝經暮史日孜孜垂老焉能更費思不再安排覆醬物
只堪遊戲打油詩

右箸述之事廢

魯幼峯太守襁褓中得危疾三日不蘇得異人鍼
之而蘇時則九月九日也其贈公命卽以是日爲

生日亦古所未有也爲紀以詩

玉芽乍茁便成煙幸賴神鍼始霍然繡被羅縵重入抱
丹萸紫菊正登筵因將戶左懸瓜日移到山頭落帽天
莫是前生趙松雪年年此會祝延年趙松雪亦生於九月九日

三疊隨字韵酬日本櫻井君

又辱瓊瑤報儼如笙磬隨十珠換元稹匹錦割邱遲敢
倚吾羸老而呼君健兒來詩兒字韵太謙故謝之惟期傳海外杜集

附嚴詩

光緒甲辰九月七日得花農都下六月十日書頗
怪其遲發視則庚子年六月十日所寄也乃不怪

其遲轉怪其久而不失紀之以詩

白下書傳庚子夏吳中信到甲辰秋五年雁足將焉往

千里鵝毛竟尙留兵火倉皇逃劫海

書凡十二紙言仙兵亂事甚悉

仙

雲縹緲住瀛洲

面署南書房徐寄

一緘預爲君先兆仍到蓬山

最上頭

花農以所臨東坡書羅池碑銘寄示率題一詩

儒雅風流徐孝穆下筆天然絕塵俗詩歌妙似李青蓮
書法喜摹蘇玉局閒來無事常臨池一棧遠寄從京師
發械展卷奇氣出紙上騰踔千熊鵬昌黎公銘坡公字
二妙流傳到百世君臨蘇字如有神此卷翩躚尤得意

我愧夙欠臨摹功，鸚哥吉了難爲工。觀君此卷三歎息，
嗟君卽是今坡公。

花農又寄所臨米字亦題一詩

學蘇卽爲蘇，學米卽爲米。問君何能然，曰得書之髓。我
聞當日米襄陽，曾與東坡共一觴。席閒兩公各揮翰，得
意疾書神飛揚。須臾各得數十幅，幅幅鳳翥鸞翱翔。相
易持歸各大笑，謂有神助殊尋常。君身本來有仙骨，爲
米爲蘇原不別。老夫戲學米顛語，笑而謂君曰奇絕。

次韻酬邢厚莊京卿傳經

亦是山林亦市城，門前車馬不須驚。且將流水高山意

來聽朱弦疏越聲詩派本如睢渙合騷壇豈效薛滕爭
只慙不副經師望難作他年老伏生

君來書以經師人師見稱

卅載吳中寄一枝蕭然卽粟與軍持園林只占三弓地

梨棗纔刊廿卷詩已愧支離成老病更憐偃蹇不時宜

段陳竊比吾何敢

來詩以段懋堂陳碩甫兩先生相擬

未克從君醉習池

余年來杜門不出未克一訪君也

雲開歸少爾

錦衣

重游泮水賦詩徵和和其二首

六十年來姓氏香而今已是魯靈光元龍樓上豪情在

天馬山頭舊壘荒

君曾辨馬山於天馬山

且喜芹芬重又擷可知

蔗啖後方長惟憐同調凋零盡三徑難尋裘與羊

吟箋傳寫竟忘疲，禿盡江郎筆一枝。舊稿猶留戎幕檄。

君曾入軍營司文案事

新編爭和泮池詩，自嗟金榜題名欠。

君應鄉試

屢薦未售

我愧珠宮識面遲。

君投余刺稱藥珠肆業生

尚幸吾孫曾邂逅。

相逢正值祝釐時。

十月十日

蘇郡士大夫咸集元妙觀恭祝萬壽余孫與焉得與君相見。

徐若洲先生所臨鐘鼎文爲花農題

武林舊族推徐氏，實從敬穆兩公始。君爲文穆之元孫。

是時門第稍衰矣，乃其文武懷全才。風角奇遁無弗賅。

甫見上馬殺賊去，旋聞橫槊賦詩來。生平八法尤精妙。

親受杉泉公口教。

君父杉泉公工篆隸

此卷襍臨鐘鼎文，斯冰復

起愁難到君有令。子子曰：琪書畫曾邀。

天子知裝

君此卷寄示我斑斕如對古鼎彝杉泉遺墨今猶在南

中留作甘棠愛

杉泉公會宰南匯今南匯人尙有藏其墨蹟者

倘蒙內府采琳

琅寶笈

石渠應並載琪也閉門手自摹豈徒劔刻到

西湖異時重入

南齋直棊進臣家累代書

花農擬棠刻先世墨

蹟於西湖祠堂題曰徐氏一家書

余每日坐藤椅使人舁至外齋然苦人力之疲乃

於椅下施四輪焉遇平坦處則以輪行稍省人力

爲憐辛苦舁籃輿小運圓機試疾徐道上未馳五花馬

家中翻坐四輪車雖愁戶限高難越且喜堂涂寬有餘

若遇少游應笑我逍遙下澤願終虛

次韻章一山庶常西湖感舊

自別西湖久不來，春秋雅集欠銜杯。雖存楊子談經席，已換蘇家作論才。萬古江河時局變，小樓風雨我心灰。尙留舊物君知否，只有孤山幾樹梅。

題陳鹿笙方伯衣冠巷戰圖

壬寅歲北方拳匪蔓延川省，八月十四日闖入成都。時鹿笙以臬攝藩，自大府衙參回，遇賊於走馬街，卽降輿督眾殺賊，輿前騶卒不及二十人，人用命斬賊。頗眾賊皆驚竄，城以獲全。僚屬爲繪衣冠巷戰圖，甲辰初冬相見吳中，出圖索題。

制府轅門東西開鑿鑿鼓罷衙參回驕卒傳唱聲喧
綠輿紅織方伯來方伯來與賊遇十十又五五裝束殊
詭異無非喫菜事魔人白刃橫行了無忌公先一夕微
有聞燈下手書白制軍軍府不開夜半鑰嚴城陡起朝
來氛平明賊自南關入走馬街頭適相值

走馬街城中大街名

驅隍引聲忽停異口同聲賊賊賊公乃降輿立道塗頭
上翠羽紅珊瑚頷下百八牟尼珠殺賊殺賊連聲呼公
一呼士乃武士奚武公所鼓短兵相接處戰血飛如雨
賊顛投馬前賊骸棄糞土賊非死卽傷踉蹌竄狐鼠公
仍鳴騶行長街旂槍棍槩如前排登輿四顧無一賊輿

前高卓肅靜牌昔公出城擣賊穴蘇灣一戰賊膽裂曾公

殺賊於蘇家灣見邸鈔

今又殺賊城闔中錦城安堵公之功事聞

於朝

帝嘉許稠疊綸音頒九五已登極品尼哈番

更錫嘉名拔都魯是歲並行 恩正科吾孫典試到岷

峨非公有此一場戰三場文戰將如何闔外戎容方暨

暨門前髦士仍峩峩合將四牡皇華曲譜入軍前勝了

歌

公有勝了歌以解散脅從

往年杭郡頻相見今歲吳中重覲面康

強善飯勝廉頗慷慨據鞍仍馬援七十八齡一壯夫如

公豈得老江湖祝公富貴又壽考再畫衣冠盛事圖

余止存一齒今又脫落心之以詩

僅存一齒已堪嗟并此難留感倍加縱使先生非陷肉
那堪居士竟無牙齷齪老態都難再齟齬童年去更遐
孤負菜根滋味好紅綾餅餌本來賒

余重宴瓊林尙待
六年不作此望矣

靖園

李文忠公之薨也 詔書有忠靖之褒 賜謚文忠

以此也吳下專祠成余以靖名其園紀 天語兼順

輿情蓋公之功始於戡定三吳吳人至今思之也

昔公遺疏上聞時忠靖深蒙 聖主知 賜謚曰忠貞

不愧名園以靖亦其宜緬懷戡定三吳日實切謳吟百
世思從此山塘添勝景游人爭賦靖園詩

滬上近來新出外國小說甚多病中無事藉以自遣

奇事傳來海大魚居然小說仿虞初譯將東味西株字編作南花北夢書諷刺語言偏有味支離事實半非虛黃車使者周流徧只惜隨車少象胥

聞外國小說甚多惜無譯之者

程母裘太夫人百歲壽詩

太夫人乃少類太守之配以長子官湖北知府請二品封年九十有七計閩例得爲百歲光緒乙巳三月其生日也以甲辰年恭逢

皇太后萬壽故浙撫聶公先期入告太夫人逮事祖舅

姑又得見元孫 欽賜七葉衍祥額其叔子輔堂曾
宰德清故徵詩於余爲賦二律

寰宇丹青 萬壽年恭逢 恩詔下 堯天史官特紀

熙朝瑞輿論同歌阿母賢已爲百齡祈綽綰更從七
葉慶綵延西湖花柳春如錦映到萊衣分外鮮

伊川別派有高門 君家與二程子異派 盛事衣冠試更論芝誥行

將封極品蘭湯還許浴來孫家聲久紹黃堂舊異數頻
邀 丹詔溫我是部民無可獻惟將吉語侑金尊

日本櫻井兒山六十有一壽詩

七秩初開第一筵更從花甲祝綵延當君弧矢懸門日

是我笙簧

賜宴年

前甲辰歲
余叨鄉舉

妻島春光應不老兒山

清望儼如仙遙知小印鐫辛字印編吟翁十萬箋

余病久矣自惟形骸已敝而神識未衰或將死而

成神乎戲作小詩以存瀾語

形骸窳敗已難支神識居然尙未衰蔣尉安能帝鍾阜
柳侯或可廟羅池慙無駿馬常存骨喜有春蠶未盡絲
萬歲千秋非敢冀不妨聊作百年期

同治戊辰余從曾文正公登天平山公直至上白

雲余與丁禹生中丞僅至中白雲坐石上待之

公下而笑曰蓋二客不能從焉今年冬至日余

孫陸雲與午橋中丞同游中丞直至上白雲陸雲與鄧孝先太史亦坐中白雲石上以待相去三十七年而祖孫情事畧同計余游時陸雲始生也因賦小詩紀之或亦異日山中一故事乎昔從文正此扶筇未到雲山最上峯但聽半空發長嘯似言二客不能從誰知三十七年後又與諸賢一笑逢爲語吾孫須認取石邊還是舊時松

送午橋中丞自三吳移撫三湘

自公旌節莅三吳數月謳歌徧道塗廣爲諸生置絳叢長教四境靖荏苒名山緣分留金石

公喜以所藏金石分置名山

團

扇風神付畫圖公所照印小像甚多只惜無人能借寇福星移照

洞庭湖

高軒兩度過蓬衡何幸殘年得識荆神識碑中容署字

瀕行以天發神識碑屬題天平山頂欠題名公與賓從同游天平山題名絕頂余以病未與

衣冠脫畧都無忌余率以童穉追隨倍有情余兩次皆

垂念吾孫尤惓惓未忘香火舊時盟陸雲在京師與公有異姓昆弟之約

貞孝唐大姑詩

大姑清苑縣人湖北來鳳縣知縣唐公殿華女浙江糧儲道陝西陸公襄鉞長子永棠聘妻年十八永棠卒絕粒求死父母許以如陸氏守志始食旋以母病

未果往割臂療母不效母卒投井拯之出俄而竟死
年二十一光緒六年事也始以貞女 旌繼以孝女

旌余爲賦此詩

大姑姓唐氏許嫁陸氏子未嫁所天死 一章 所天死胡

獨生不食三日饑腸雷鳴誓將一命從之而傾 二章 阿

孃語大姑汝死非良圖忍拋白髮親去殉黃泉夫 三章

大姑語阿孃爲孃進水漿兒身伴母住兒心隨夫亡 四

章 素車素服將歸於陸未及歸陸母病牀褥兒臂肉不

甘母命不能續 五章 父尚存母逝矣母旣亡兒何恃昔

本爲母留今仍從夫游寒泉古井其清瀏瀏化爲瑤碧

萬歲千秋 六章

陳篋石中丞再次輕字韻見寄亦疊韻報之

魚雁傳來尺素輕
陳遵書牘得爲榮
遠煩開府清新句
下和衰翁偃仄行
想見指麾皆得意
定知鋒鏑早銷聲
祥符以清釐荒賦刁民
聚眾滋事旋即安堵
太邱門第於今少
名望何慙長與卿

今歲江南寒意輕
庭中桂樹尙敷榮
只憐抱病劉公幹

非復談經楊子行
深感饒甜賜珍藥

承賜葠
桂諸品

謬容企喻

附同聲便煩傳語梁園士
五十年前舊客卿

余乙卯奉
使河南至

今適五
十年矣

今年十月恭逢

皇太后七旬萬壽蘇郡耆老咸集於元妙觀隨班恭祝
事後又擇十二月七日集於觀中真人殿用西法
照相名曰百老會余病不赴記之以詩

元都觀裏共呼嵩今日還教一笑同未見千叟來 闕

下叟字讀平聲已看百老聚吳中年齡縱遜李元爽香山

本劉越石詩九老會有洛中李元爽年一百三十六圖畫都成陸放翁愧我衰穢難赴

會不堪倍侍眾方瞳

乾隆米歌

陳鹿笙方伯餉乾隆米一筐云漢州倉中所積之穀

也有倉冊可稽煮粥甚佳紀之以詩

故人仗節鎮巴蜀

君曾權川督

白首歸來手重握訪我吳中

春在堂餉我乾隆米一斛我朝極盛推乾隆萬里車

書無弗同都下宏開四庫館軍前齊奏十全功是時海

內皆充溢道德同而風俗一民敦工樸屏奇衰時和年

豐登黍稷距今不過百餘年世局如棋屢變遷興利虛

開農務局救窮全仗米釐捐老夫俯仰蒼茫際襟邊屢

灑憂時涕惜未能爲乾隆民猶幸得喫乾隆米此米由

來出漢州州倉積穀高於邱倉冊分明載年月乾隆某

歲某春秋碾之成米粲然潔煮之爲粥鬻然熱傾之瓦

岳巖然清果然色味香三絕擊甌小啜不須多已覺胸
中滿太和快哉一鼓堯民腹吐出康衢擊壤歌

和于香草明經圓圈韻各五首

隨意題詩亦自妍吟豪草草寫吟牋北臺不鬪東坡韻
坡用尖來我用圓

春蚓秋蛇年復年老來筆墨益積然戲摹魯薛投壺鼓
幾箇方圍幾箇圈

人生萬事費周旋正是輪主持世年大地亦知方不得
如今久已變爲圓

事事圓通事事便循環最是妙無邊羲皇應悔開天錯

一畫何妨改一圈

近世筮者遇老陽作一圈識之

挫角磨棱不是天
斷輪老手亦堪憐
偶然移動茶杯底
几上留痕箇箇圓

煦嘘呼吸亦徒然
高倚胡牀便是仙
含得淡芭菰一口
空中噴出總成圈

東西烏兔自回旋
莫鑿中央渾沌天
明道先生親授我

一團和氣畫來圓

余嘗篆書和氣二字作圓形謂之一團和氣

抽刀斷水水仍連
於世常存不解緣
曾讀考亭論孟注
每章書上一重圈

舊夢如雲化作煙
花開花落自年年
滿場袍笏關珊後

來聽先生唱老圃

老圃余所製曲名

落寞徒存文字綠東塗西抹任流傳莫喻名姓酸寒甚

少日曾蒙

御筆圈

徐花農閣學自去官後今年恭逢

皇太后七旬萬壽隨班祝嘏

賜復三品銜賀之以詩

小別蓬山春復秋欣逢

鳳詔下

龍樓紅塵本是九

皋鶴

君自言前生是鶴

碧海眞爲三品鷗補足仙班前未歷

前君

自五品超升二品

迎來

恩命後加優清風堂上重回首

有清君家

風草

尚有傳家祖笏留

從孫同奎自倫敦寄來小像已改服西國衣冠矣
爲之一歎

章縫家世魯諸生何意儒冠忽一更豈以江充常服見
竟隨李廣短衣行身投異國真無奈目睹橫流大可驚
膝下曾孫纔六歲已將洋字鬪聰明曾寶於洋文二十
六字母已略識之
矣無

烏靈參

是物出成都灌縣土中大小不等聞雷聲則自能旋
轉故所處之土摩然成穴掘而出之云是溫補之品
名之曰參可以入饌實不知何物也亦陳鹿笙方伯

所館

阿香駕雷車排空走轉輾厥聲隆隆然百里震山谷有
物處土中爲之感而觸盤旋如走丸反復若轉轂包藏
皮渾沌推移石礫礪良由氣鼓盪非有人踟蹰遂令此
坏土豁廖空其腹是物處乎中不異蟄蟲伏斲土偶得
之怪哉此何族撫之形團團叩之聲硃硃色黑類凍梨
皮粗欠滑忽謂是動物歟無血又無骨謂是植物歟非
草又非木強名之曰參云可補不足於是豪家筵爭取
佐醜醜頓使灌縣民日向空山鬪質疑稟瑤光價可敵
銀樸一斤值銀十六兩故人陳太邱開藩到巴蜀得之以餉我

數之適有六兒童詫不識錯呼泥蘿荀銅刀切成片片
片白於玉亦頗有文理初不煩瑣琢熟之以進客果然
清且馥客有自蜀來亦言昔未曠外孫婿李友鵬蜀人也亦言未之識老
夫逞臆見謂此乃卵屬鮫龍皆有卵大者可盈斛茲其
小小者是以手可握聞雷輒奮動分明爲我告若非鮫
龍類得氣無此速龍醢與鮫鮓固亦我所欲況此僅胚
胎猶未見頭角藉以供朵頤何莫非口福鮫龍皆屬陽
陽氣所煦育我固陽虛侯賴此庶可復勿誤雷丸名可
補雷公錄益部記方物我將以此續

臘月十五夜大雷電

歲首聞雷臘又雷

今年正月十一日大雷電余有詩紀之

羣情無事苦疑

猜土牛未送陰寒去玉虎先催陽氣來收發不遵秦月
令災祥莫問漢蘭臺海濤島霧彌漫甚憑仗雄威一掃
開

台州民金滿少豪橫爲鄉里患彭剛直在西湖聞
之招致麾下積功至守備感念舊恩卽其鄉建公
祠命子孫世祀之祠成來告紀以詩

白髮尙書湖上游赤城奇士遠來投車前兼拜鄭高密
帳下眞收周孝侯當日囊韃遊一盼今朝俎豆報千秋
斯人斯舉從來少青史應教百世留

藝業中丞由署漕督拜江淮巡撫乃新設也賦詩
賀之

峩峩軍府此權輿 丹詔南來拜特除 朝命寵頒新
節鉞 邊防雄鎮古淮徐 卽從袁浦開行省 空令吳民盼
使車 自昔荒涼江北地 從今富庶比姑胥

建業江山千古勝 維揚風月四方無 但看鞞轄皆名郡
自是東南一大都 貴粟重農敦本務 整軍經武啟雄圖
知公不負園丁職 漕署有清宴園公自謙稱清宴園丁 海宴河清副 聖
謨

贈王壬甫

王君紹中字壬甫吾郡之菱湖鎮人少以家貧兼習律學游公卿間南浮滇海北度祁連年四十餘始還鄉里應童子試冠其軍亦間應龍湖院課余偶以唐人孔紹安榴花詩開花不及春句爲試帖題君詩甚工余歎曰老名士也取第一并貽書監院者詢其生平君聞而感之以晚香篴名其所居仿余春在堂例也今年客大司馬長公幕中自京師寄余書并和余重宴鹿鳴詩余因賦此贈之

善賦榴花孔紹安自將哀豔寫豪端芒鞋蹤跡垂垂老錦瑟年華細細彈落拓一衫游幕府闌珊八韻殿詩壇

功令廢試帖論 本朝 晚香移畔風光好莫作衰翁看
試帖者當以君詩爲殿

謝沈旭初觀察餉意大里亞麵

麩麩異品出重洋萬里風吹麥隴香洲遠應將界甌亞
味佳直欲勝桃榔千條挑去銀絲滑一束封來玉尺長
多謝殷勤沈家令分貽湯餅試何郎